

BIBL. NAZ.
VITT. EMANUELE III

162

A

15

NAPOLI



1172

CONSTITVTIO NES SYNODALES

Editæ , & promulgatæ in Dioecesana
Synodo Anglonensi

Ab Illustriss. & Reuerendiss. D.

FRANCISCO ANTONIO
DE LVCA

Episcopo Anglonen, & Tursien.

Sub die ultimo Aprilis 1656.



VENETIIS, MDCLVII

Apud Franciscum Valuasensem.
SVPERIORVM AVCTORITATE.



CONSTITUTIONES
SYNODALES

ANNO 1763
DIE 15 JUNII

FRANCISCO ANTONIO
DE

Episcopo Alicantino
Ordinis Praedicatorum

Ordinis Praedicatorum
Ordinis Praedicatorum

Ordinis Praedicatorum
Ordinis Praedicatorum

Ordinis Praedicatorum
Ordinis Praedicatorum

Ordinis Praedicatorum
Ordinis Praedicatorum

Ordinis Praedicatorum
Ordinis Praedicatorum

FRANCISCVS
ANTONIVS DE LVCA
Dei, & Apostolicæ Sedis Gratia
EPISCOPVS
ANGLONENSIS,
ET TVRSIENSIS

Amodum RR. DD. Dignitatibus, Canonicis, &
Abbatibus, nec non Clero, & vniuersis Chri-
sti fidelibus Diocesis nostræ Anglonensis salu-
tem in Domino sempiternam.



VM nostri Pastoralis
Officij sollecitudo re-
quirat, vt attenden-
tes secundum Apo-
stolicum præceptum vniuerso no-
stro Gregi, vigilemus, & in om-

nibus laboremus, requirentes, iux-
tā Ezechielem, quod perierat, vt
quod confractum fuerat allige-
mus, quod infirmum fuerat con-
solidemus, & quod pingue, & forte
custodiamus, ex Sacrorum Cano-
num, Sacrique Concilij Triden-
tini præscriptis Diœcesanam Syno-
dum legitimis præcedentibus ædi-
ctis congregari iussimus; in qua
nostrorum Prædecessorum consul-
tis inherentes cum plura decreta
fuerint promulgata, ea typis man-
dare statuimus, vt omnibus inno-
tescant, atque seruentur, & ad ani-
marum salutem Clerique discipli-

nam,

nam , diuini cultus incrementum ,
totiusque nostræ Diœcesis reforma-
tionem magis proficiant . Ea igi-
tur quæ in Vniuersa nostra Diœcesi
inconcussè obseruari volumus ,
prompto alacrique animo omnes
excipite , vt luceat lux vestra co-
ram hominibus , & videant opera
vestra bona , & glorificent (non
nos) sed Patrem nostrum qui in
Cœlis est , cui sit omnis honor ,
& gloria in sempiterna sæcula .
Amen .



I N D E X TITVLORVM.

Qui in hac Synodo continentur.

D E expurganda Diœcesi ab homi- nibus quouis modo à fide aberrantibus.	pag. 1
De Blasphemijs.	pag. 4
De Doctrina Christiana.	p. 5
De Sacrosanctis Ecclesijs.	p. 6
De Altaribus.	p. 10
De Sepulturis, & Exequijs.	p. 11
De Reliquijs, & Veneratione Sanctorum.	pag. 14.
De Vita, & Honestate Clericorum.	p. 17
De Dignitatibus, Canonicis, & Capitulis Ec- clesiarum.	p. 21

De

De Diuinis Officijs, & alijs functionibus in Ecclesia faciendis.	p. 25
De Magistro Cæremoniæ.	p. 30
De Officio Sacrificæ.	p. 31
De Processionibus.	p. 33
De Distributionibus, & Punctatoribus.	p. 34
De Parochis.	p. 35
De Clericis Albanensibus, seu Græois.	p. 39
De Regularibus.	p. 43
De Obseruatione Dierum Fæstorum.	p. 45
De Vicarijs Foraneis.	p. 47
De Sacramentis in genere.	p. 49
De Sacramento Baptismi.	p. 52
De Sacramento Confirmationis.	p. 56
De Sacramento Penitentia.	p. 57
Casus Reſeruati quibus eſt annexa excommu- nicatio.	p. 60
Casus Reſeruati quibus non eſt annexa ex- communicatio.	p. 62
De Sanctiſſimo Eucharistiæ Sacramento.	p. 63
De Celebratione Miſſarum.	p. 66
De Sacramento extremæ Vnctionis.	p. 68
De Sacramento Ordinis.	p. 71
De Sacramento Matrimonij.	p. 72
De Quadrageſima, & obſeruatione Ieiunij.	p. 76
De Bonis Eccleſiæ non alienandis, nec uſur- pandis.	p. 78
De	

De Confraternitatibus, Hospitalibus, Mon-	p. 82
ribus Charitatis, & alijs Locis Pijs, & co-	
rum Administratoribus.	
De Immunitate, & libertate Ecclesiastica	p. 85
De Quarta Decedentium ab Intestato, & fu-	
neralium.	p. 89
De Decimis.	p. 90
De Quæstoribus.	p. 91
De Constitutionibus Synodalibus, & Peni.	p. 92
Formula professionis fidei.	p. 95



De Expurganda Diœcesi ab hominibus quouis modo à Fide aberrantibus.



Quoniam Fides est humanæ salutis initium, radix, & fundamentum firmum, contra quod portæ inferi nunquam præualebunt, & sine qua impossibile est placere Deo; propterea nil magis nostro Pastoralis Officio convenire censuimus, quam similes homines, qui Catholicæ Ecclesiæ puritati, & animarum saluti magnoperè officiunt à nostra Diœcesi eliminare, & ab internis incurſionibus eiusdem fidei puritatem intactam ſeruare.

Proindè mandamus, ſub pœna ſuſpenſionis à diuinis; omnibus, & ſingulis Archipræsbyteris, Vicarijs foraneis, Parochis, ſeu Curatis, etiam ſi per modum prouiſionis ad animarum curam ſint deputati, vt omni Studio, & diligentia inquirent,

2 CONSTITVTIONES

an intrà fines eorum Parochiæ reperiatur aliquis Hæreticus, vel quouis modo de fide suspectus; & si fortassis (quod Deus non faxit) huiusmodi prauos homines existere adinuenerint, nobis, siue nostro Generali Vicario infrà terminum dierum trium à die habitæ notitiæ denuntiare teneantur.

Ad quam denuntiationem pari modo teneri decernimus omnes, & singulos Præsbyteros, seu Clericos, ac etiam Laicos vtriusque sexus, ità vt qui scienter, & dolosè vt suprà denuntiare recusauerint, seu neglexerint, pænæ excommunicationis latæ sententiæ subijciantur.

Pro comperto tamen habeant denuntiatores se nullo vnquam tempore publicandos, nè de odio, & inimicijs dubitari contingat.

Et vt omnibus innotescat, qui sint Hæretici, & de fide suspecti, aliquos casus à sacris canonibus, & Concilio Tridentino decretos patefacere censuimus.

Qui aliter credit de articulis fidei, quam credat Romana Ecclesia.

Qui malè sentit de Sacramentis Ecclesiæ.

Verberantes imagines Sacras, vel in eas lapides, vel immunditias proijcientes.

Contrahentes matrimonium cùm sint voto solemni astricti, vel in Sacro Ordine constituti.

Qui

Qui Missam celebrant carentes ordine Sacerdotali.

Confessarij sollicitantes pēnitentes in Sacris Confessionibus.

Detinentes, seu legentes libros Hēreticorum.

Fabricantes pocula amatoria, vel imagines Cereas, quibus personas cruciant; vel prouocant animum alicuius ad amorem.

Strigē, seu lamię, vel mulieres habentes nomen maleficę, ad quas plures concurrunt pro maleficijs, et superstitionibus, vel pro infirmitatibus sanandis.

Offerentes thura, vel fumigationes Demonijs.

Comedentes carnes diebus prohibitis.

Blasphemantes Sacramenta, Sacram Scripturam, articulos fidei, & Ecclesię determinationem.

Celebrantes super rebus profanis aptis ad faciendum sortilegia, adhibitis nefarijs pŕecibus, & verbis superstitiosis.

Obloquentes, & murmurantes contra Excommunicationem, vel factis irridentes.

Baptizantes Creaturas irracionales, vel imagines Cæreas.

Proferentes verba superstitiosa pro inueniendis furtis, vel ad secreta scienda; Et

4 CONSTITVTIONES

Omnes qui receptant, fouent, vel auxilium
Hæreticis præstant.

De Blasphemijs.

Blasphemia cum pari modo sit contra-
ria Confessioni Fidei, ac diuinæ
charitati, & voluntati derogare vi-
deatur; & quando in dicendo, &
credendo consistit, sit hæresis.

Quo detestabili scelere, & Diaboli laqueo
cum multos astrictos ita esse cognoscamus, vt
ad tam immane, & atrox peccatum coercendum
pæna, ac supplicij terrore à nostra Diœcesi to-
tis viribus eradicare studeamus, & eos præser-
tim, qui Sacro Sanctum Dei, ac Gloriosissimæ
Virginis Matris nomen, ab omnibus Creaturis
benedicendum, & summis laudibus extollen-
dum, aut etiam Sanctorum nomen cum Deo re-
gnantium, impuro, & contaminato ore blasphemare,
& execrare audent.

Idcirco præcipimus Parochis, seu Curatis,
ac Vicarijs foraneis, vt contra blasphemantes,
maximè si blasphemix sint hæreticales, inuigi-
lent, ac contra eos diligenter inquirent, infor-

matio-

mationem capiant, & ad nos transmittant sub
eisdem poenis in prædicto Capitulo de Hæreticis
impositis.

De Doctrina Christiana.

In Initium sapientiæ sit timor Domi-
ni, & cognoscentes quod Puerorum
ætas, nisi à teneris annis ad pie-
tatem, et Religionem instruatur,
de facili ad errores labitur, cum ignorantia
antecedat, vel comitetur; aut sequatur pec-
catum.

Meritò statuimus, et mandamus Parochis,
Præpositis, Rectoribus, alijsque Curatis ad
quos spectat, vt quolibet die Dominico, alijs-
que diebus Festiuis ex præcepto Sanctæ Roma-
næ Ecclesiæ inuigilent, et omninò curent, vt
pueri omnes vtriusque sexus ad sonum Campa-
næ ad Ecclesiam conuocati, et congregati in-
struantur, et orationes, et rudimenta fidei do-
ceantur per seipsos; Quas functiones, et pia, ac
necessaria exercitia si dicti Parochi neglexerint
absque legitima causa, incurrant pro qualibet

vice pœnam decem librarum Cerae albæ locis pijs arbitrio, &c. Si verò fuerint legitimæ impediti per substitutum adimpleant, alias supradicta pœna mulctentur.

Significantes omnibus, & singulis quod si prædicta fidei rudimenta ignorauerint, ad matrimonia contrahenda non admittentur; Et mandamus Parochis, & Confessarijs, vt hos tales à Confessione, & susceptione Baptizandorum, & confirmandorum omninò arceant.

De Sacrosanctis Ecclesijs.



Irca Ecclesiarum reuerentiam cum summo perè inuigilare teneamur, & ab illis indecentia remouere: Idcirco monemus omnes, & singulos vtriusque sexus Christi fideles, vt in Ecclesias deuotè ingressi capite detecto, sumpta aqua benedicta, flexis deindè genibus, humilimè Sanctissimum Eucharistiæ Sacramentum antè omnia adorent, & illi terga vertere non audeant, sed pijs orationibus incumbant, caueant ab obscenis colloquijs, immoderatis risibus, profanis cantibus, vociferationibus, negotiationibus, & his simili-

bus,

bus, quæ sub pœnis in Constitutione Pij Quinti, & alijs arbitrato nostro interdiciamus; mandantes Parochis sub eisdem pœnis, vt nullo modo hæc patiantur in suis Ecclesijs.

Acta causarum Criminalium, & Ciuiliū à Laicis fieri in locis Sacris, & Iuramenta dari testibus, seu examinari testes, vel Inquisitos, aut offensos sub pœna maioris excommunicationis expresse vetamus.

Occisorum cadauera exhumari ad finem recognitionis faciendæ, seu in locis religiosis, seu extrà, sine nostra in scriptis licentia sub eadem pœna prohibemus.

Nuntijs, & Baiulis Curiaæ sæcularis nè citationes tam causarum Criminalium, quam Ciuiliū exequantur in locis immunibus, vel notificent Refugis, etiam per affixionem in parietibus Ecclesiarum, sub eadem Excommunicationis pœna mandamus.

Laicos percursores Laicorum, aut euaginantēs, vel impugnantēs arma, seu eleuantēs manus in locis Sacris, aut percutientes extrà Ecclesiam per vim ab ea extractum, anathematizamus. Si verò Clerici hoc ausi fuerint, pœna scutorum Quinquaginta locis pijs, etc. et carceris arbitrio nostro feriantur.

Mobilia præter Ecclesiasticam supellectilem

8 . CONSTITVTIONES

in Ecclesijs non reponantur, nisi propter hostiles incurfus, aut incendia repentina sub pœna ammissionis eorum, & ducatorum sex sacristis, & alijs permittentibus.

Debitorum si cum suis bonis, vel fures cum furtis ad loca Sacra confugerint à Laicis nullo modo expolientur, nec perquisitiones fiant sine nostra licentia sub pœna excommunicationis.

Comœdias, & Ludos alearum, & taxillorum, & Vniuersitatum Consilia in Ecclesijs sub eadem pœna prohibemus.

Repræsentationes Sacræ tam intrà, quam extrà Ecclesias absque nostra in scriptis licentia nullo modo fiant sub pœnis arbitrio nostro.

Mandamus nè fenestræ vllæ Domorum priuatorum, & etiam Magnatum in Ecclesijs prospiciant; Nec sint portæ per quas à dictis Domibus in eas detur ingressus, sed si quæ sint infrà mensem sub excommunicationis pœna obturentur.

Scholas Grammaticæ, et Cantus in Ecclesijs, nobis inconsultis sub pœna ducatorum sex, vetamus.

Nemo præsumat quidquam ædificare, aut demoliri in Ecclesijs sine nostro mandato sub pœna excommunicationis.

Nulli

Nulli Laico in Ecclesijs locum proprium habere liceat, etiam prætextu consuetudinis, vel alio Iure; & si fiant sedilia fixa ad vsus proprios, nullum Ius quærat construentibus; & si ex causa prædicta deuenerint ad strepitus, vel ad contentiones sint excommunicati.

Statuimus nè Laici cuiuscumque conditionis in Choro maneant dum recitantur Diuina Officia sine nostra, vel Vicarij nostri licentia sub eadem pœna.

Sancimus nè picturæ, Altaria, aut sepulturæ in Ecclesijs erigantur nobis inconsultis sub pœna ducatorum decem, alijsque nostro arbitrio.

Capellæ, seu Altaria de Iurepatronatus, quæ sine Dote extant ad hoc, vt eis debitus cultus præstetur de competenti dote infra mensem prouideantur; & à Patronis ornentur, transmissio nobis Instrumento Dotationis, alioquin iure suo priuentur; eademque pœna feriantur qui collabentes Capellas non restaurant; Iniungentes Archipræsbyteris, & Curatis, quod Capellas sine Dote, aut Capellano existentes infra mensem nobis denuntient sub pœna ducatorum Viginti pijs locis arbitrio, &c.

Ecclesiarum portæ ab occasu Solis vsque ad

IO CONSTITVTIONES

auroram sint clausæ, et earum fenestræ ad recipiendum lumen deferuientes vitreæ sint, vel ex tela cærata, sub pænis arbitrio nostro.

Parochi, et Ecclesiarum Rectores exules, aut Criminosos, vel Debitores in suis Ecclesijs non recipiant, et si ipsis inscijs ad eas se contulerint, vltra tres dies in illis commorari non permittant, sed statim nos reddant certiores, vt perpenſa personarum, locorum, ac facti qualitate decernamus id, quod Ecclesiæ Immunitati, ac honestati, et Sacrorum Canonum dispositionibus consentaneum erit, sub pæna ducatorum decem pijs locis arbitrio, etc.

De Altaribus.

ALTAIRE est mensa super quam conficitur augustissimum Eucharistiæ Sacramentum; vndè præcipimus, quod nihil super eo ponatur, quod ad missæ Sacrificium, et Altaris ornatum non pertinet.

Lapidea, vel lateritia sint omnia altaria cum Lapide Sacro in illis inserto longitudine palmari, et latitudine plus quam semipalmari ad capiendum Calicem, patenam, et Pixidem.

Operian-

Operiantur tribus mappis mundis superiore saltem longa vsq; ad terram pertingente, et pallio ante altare ex Serico, vel Corio inaurato, et duobus puluinaribus, et Candelabris.

Habeant Crucem in medio cum imagine Crucifixi, etiam si ibi asseruetur Sanctissimum Eucharistiæ Sacramentum, et tabellam Secretarum, nec non Euangelium Sancti Ioannis separatum, et Baldachinum, quod contegat etiam Sacerdotem celebrantem, et Scabellum tabulis expolitum, ac demum in vno quoque altari sit Icona, seu Pictura in pariete.

In eo Altari sub quo, vel cuius Scabello humata sunt Corpora Defunctorum non celebretur donec nobis consultis alio trasferantur: sed ostium sepulturæ per cubitum distet à scabello.

De Sepulturis, & Exequijs.



OMNI qua debent charitate, & pietate studeant Curati, & Præsbyteri mortuorum corpora sepelire, abstinentes ab omnibus, quæ auaritiæ suspitionem sapiunt, & tantummodò, sint contenti solutione solitæ elemosinæ. Pauperes verò, mi-

12 CONSTITVTIONES

ferabilesque Personæ gratis, & iuxta Ritnale Romanum, cum Cruce, & luminibus accensis proprijs expensis Ecclesiarum humentur; nec vnquam liceat sine luminibus eos ad Ecclesiam deferre, sub pœnis arbitrio nostro infligendis.

Sepelientes Corpora Christianorum occultè extrà Ecclesiam nouerint se esse excommunicatos; Et qui exhumant Corpora, vt ea spo-
lient ex causa iusta, siuè iniusta eandem pœnam incurrant, saluis alijs arbitrio nostro.

Caueant Archipræsbyteri, Curati, & Præsbyteri sepelire eos qui in Duello, vel post Duel-
lum moriuntur, etiam si ostenderint signum Contritionis, & Sacramenta perceperint, sub pœna carceris arbitrio. &c.

Interdictos, Excommunicatos, Hæreticos, Hæreticorum fautores, Infantes mortuos absq; baptismo, notorios vsurarios, se ipsos occidentes, & eos qui in Paschate Sacratissimam non sumpserint Eucharistiam nullo modo audeant Curati sepelire, sub pœna Scutorum Quinquaginta, & alijs arbitrio, &c.

Nullum Cadauer sepulturæ traditum ex vlla Cuiusuis ordinis Ecclesia asportari possit nobis inconsultis, sub pœna excommunicationis ipso facto, & alijs arbitrio. &c.

Cadauera non collocentur in Ecclesijs in excelso loco, sed in terram fodiantur adæquato pauimento.

Defunctorum Corpora non sepeliantur, nisi duodecim saltem horis postquam spiritum reddiderint, & repentina morte inuasi ante vigesimam quartam horam, nisi aliter nobis visum fuerit.

Antè solis ortum, & post eius occasum nemo Ecclesiasticæ tradatur sepulturæ nisi aliter necessitas suaferit.

Ad tollendum abusum Mulierum, & ad effigendos clamores, quibus eædem Mulieres diuina officia perturbant, prohibemus ne vsque ad tertium gradum inclusiue coniunctæ comitentur mortuorum Cadauera, ad Ecclesiam plorantes, & multa abs re dicentes, & indecentes actus facientes.

Et vt prædicta prohibitio obseruetur Parochi, seu Curati mandent eisdem sub excommunicationis pæna, vt à prædictis abstineant; Et quatenus quouis pacto importunè comitari præsumant, cadauer vltra non deducatur; nisi ipsis de Domo non exeuntibus; Et si fortè per aliam viam ad Ecclesiam se conferant illas omninò eijciant, aliàs diuinorum celebrationem non prosequantur, imponentes

pænam

penam ducatorum Quindecim Parochis , & Sacerdotibus , si præmissa obseruari neglexerint , locis pijs arbitrio. &c.

Pro Antistite prædecessore defuncto in die obitus quotannis celebretur anniuersarium in Cathedrali , & in Parochialibus , & infra octauam commemorationis omnium Defunctorum fiat anniuersarium pro omnibus Episcopis , Dignitatibus , Canonicis , & Præsbyteris cuiuslibet Ecclesiæ respectiuè ; Et sic etiam in Confraternitatibus pro Confratribus.

De Reliquijs , & Veneratione Sanctorum.

SANCTORVM cum Christo uiuentium Sancta Corpora , quæ uiua membra fuerunt Christi , & Spiritus Sancti templum , ab ipso ad æternam vitam suscitanda , & glorificanda , fideles summo perè venerari debent : Per ea enim multa beneficia à Deo præstantur hominibus. Propterea Parochi de Sanctorum intercessione , & inuocatione , Reliquiarum honore , & legitimo

imaginum vsu fideles diligenter instruant, docentes eos, Sanctos pro hominibus orationes suas Deo offerre, ac illos, æterna felicitàte in Cælo fruantes, suppliciter inuocare, bonum, atque vtile esse, & ad beneficia impetranda à Deo per filium eius Iesum Christum Dominum nostrum, qui solus Redemptor, & saluator noster est, ad eorum orationem, opem, & auxilium confugere.

Doceant pariter per historias mysterium nostræ Redemptionis picturis, & imaginibus expressum erudiri, & confirmare Populum in articulis fidei commemorandis, & assidue recolendis; tum verò ex omnibus Sacris imaginibus magnum percipi fructum, non solum quia admonetur Populus beneficiorum, et munerum, quæ à Christo sibi collata sunt, sed etiam quia Dei per Sanctos miracula, et salutaria exempla oculis fidelium subiiciuntur; vt pro ijs Deo gratias agant, et ad Sanctorum imitationem vitam, et mores suos componant, et excitentur ad adorandum, et diligendum Deum, ac pietatem colendam.

Non exponantur tamen Sanctorum reliquiæ nisi in festis solemnibus, vel sanctorum, quorum sunt Reliquiæ, et tunc cum luminibus, nec educantur à loculis earum, et antequam

16 CONSTITVTIONES

exponantur thurificentur, & deferantur à Sacerdote superpelliceo, & stola induto cum hymnis, & orationibus oportunis; Idemque fiat dum reconduntur.

Caveant præcipuè nè vllò in loco, vel Ecclesia etiam quomodolibet exempta nouæ reliquix recipiantur, & in publicum exponantur nisi nobis recognoscentibus, & approbantibus. Sic etiam vllæ insolitæ imagines, seu Icones, vel nouæ, ni prius iuxtà formam in Rituali, vel Pontificali præscriptam benedicantur.

Ad Ægrotos non portentur reliquix Sactorum, neque eradantur ossa, vt rasura detur cum potu infirmis.

Ponantur, & detineantur Sanctorum reliquix in Ecclesijs loco decenti, & in vasculis argenteis, seu ornatis, & serico inuolutis; habeaturque schedula in qua diligenter sint descripta nomina Sanctorum, quorum sunt reliquix, & antè locum, in quo extant repositæ, appendatur tabella cum indice ipsarum Reliquiarum.



De Vita, & Honestate Clericorum.

CLERICOS in sortem Domini vocatos ita decet vitam, & mores suos componere; ut eorum Vita, & exemplum alios ad pietatem, & Dei cultum assidue instruant.

Præcipimus idcirco ut se in officiis ecclesiasticis, ac alijs bonis studijs, & artium disciplinis diligenter exerceant, à crapula, & ebrietate abstineant, in officijs, vel commercijs secularibus non se immisceant; mimis, Ioculatoribus, & Hystrionibus non intendant, tabernas prorsus euitent, nisi causa necessitatis in itinere.

Ut igitur cum Vitæ, & animi clericalis integritate externus etiam habitus congruat, mandamus quod nemo sine veste talari audeat incedere, præsertim in Processionibus, alijsque functionibus Ecclesiasticis. Breuiiores tamen permitimus ad necessariam itineris commoditatem, modo ordinis honestati conueniant; Clerici verò qui ob paupertatem talarem vestem habere non

18 CONSTITVTIONES

possunt, breuiorem ferant, ità tamen vt genua cooperiantur. Omnes autem caueant deferre manicas coloratas, aut alias quouis indecenti modo elaboratas, & incisas, sub pœna Scutorum sex.

Proprium habeant superpelliceum, quod nec lacerum sit, nec sordidum. Annulos non gestent, nisi dignitatis gradus, aut officij munus requirat, illumque omninò deponant missam celebraturi, sub eadem pœna.

Sine veste, vel Clericali tonsura incedentes ad pœnam librarum triginta Cæræ albæ condemnamus; eademque pœna plectetur, qui comam nutrire audebit.

Qui habitum clericalem semel dimiserit illum nobis inscijs reassumere non præsumat; Quod si quis attentauerit supradicta pœna mulctabitur; quam etiam luet, qui ex nostra Diœcesi absque licentia discesserit.

Arma etiam si sint ad defensionem Sacerdotibus, & Clericis cuiusvis generis prohibemus asportari, etiam itineris causa, sub pœna Scutorum Vingtiquinque; At si cum Pistolis breuioribus, alijsque similibus quis repertus, vel captus fuerit ad triremes per triennium, vel ad Relegationem iuxtà personæ qualitatem condemnabitur.

Ab Alearum, & taxillorum ludis omninò abstineant,

stineant, nec illis interesse audeant; Personati non incedant; neque noctu vagare præsumant, nisi tamen si necessitas vrgeat, & tunc cum lumine sub pæna Scutorum decem.

Fugeant apud se retinere libros, qui res inanes, vel impuras contineant, sed illis delectentur, per quos morum disciplina, & charitas erga Deum augeatur.

Ecclesijs, quibus ex mandato nostro ascripti fuerint, inseruiant; & omnes tam Sacris ordinibus initiati, quam Clerici qualibet tertia Dominica mensis prævia Sacramentali Confessione in Missa solemni Sacram sumant Eucharistiam: Quod si facere neglexerint absque legitimo impedimento poenam trium librarum Cæræ albæ incurrant pro qualibet vice; mandantes Curatis, quod contravenientium notam nobis deferant sub eadem pæna.

Interdicimus omnibus Ecclesiasticis causarum procuracionem, & patrocinium apud Iudicem sæcularem; nec non tutelæ, ac curæ susceptionem absque nostra licentia; nec criminaliter agere in foro sæculari præsumant sub pæna ducatorum decem; alijsque arbitrati nostro.

Negotia, & mercaturas lucri causa non exerceant sub pæna scutorum vigintiquinque; alijsque arbitrio nostro. Pæna verò ducatorum cen-

20 CONSTITUTIONES

tum, & carceris arbitrio condemnamus eos, qui ad vsuram, vel alio contractu illicito pecunias dare perumpserint.

Famulatum præstare sæcularibus omninò desistant; & ad opera seruilia, & rusticalia in alienis prædijs facienda non accedant.

Mulieres cuiuscunque conditionis præter coniunctas in primo, vel secundo gradu domi non retineant absque nostra licentia sub pænâ ducatorum Vigintiquinque.

Simplices fornicarij puniantur pænâ ducatorum decem, & carceris arbitrio nostro.

Concubinarios prima, secunda, & tertia Canonica monitione hac nostra Synodali Constitutione monemus, vt ab huiusmodi crimine se abstineant sub pænâ Scutorum Quinquaginta, & carceris arbitrio, &c.

Adulteros ad pænam Scutorum Centum, & carceris arbitrio; Stuprantes Virginem ad dictam pænam Scutorum Centum, cum obligatione stupratam dotandi carceris, alijsque arbitrio condemnamus.

Bannitos non receptent, nec faueant, nec auxilium præstent latronibus, & huiusmodi facinorosis sub pænâ ducatorum 200. carceris, alijsque arbitrio nostro.

De Dignitatibus Canonicis, &
Capitulis Ecclesiarum.

IN Ecclesijs præsertim Cathedralibus Dignitates ad conseruandam, augendamque Ecclesiasticam disciplinam fuerunt institutæ, vt qui eas obtinerent pietate, ac doctrina alios præcellerent, meritò ad eas vocati tales esse debent vt muneri suo correspondere possint, & ita viuant, & se gerant, vt re, non nomine tantum Dignitates, Canonici, seu Sacerdotes esse videantur.

Prouisi de Dignitatibus, & Canonicatibus nisi infra duos menses à die adeptæ possessionis in manibus nostris, ac etiam in Capitulo fidei professionem emiserint, sciant non facere fructus suos, nec gaudere voce actiua, & passiua in electionibus capitularibus; mandantes quod infra mensem nos de emissâ professione doceant.

Discant Cantum Gregorianum infra sex menses, & nobis de frequentatione Scholæ, & peritia fidem deferant, alias elapso semestri puniuntur; Et idem Sacerdotibus participantibus

ordinamus, alias ad partem non admittantur.

Almutia dum Choro assistunt super humero gestent, suoque stallo infideant sub eadem pæna.

Nobis pontificalia exercentibus, vel Cappam magnam gerentibus omnes Dignitates, & Canonici assistant iuxta Ceremoniale Romanum.

Non residentes nouerint se omnino puniendos poenis à Sacris Canonibus, Sacro Concilio Tridentino, & Bullis Pontificijs inflictis; Ideo extra Diocesim nulli liceat abesse sine nostra, vel Vicarij nostri licentia in Scriptis, & pro tempore à Concilio Tridentino statuto concedenda, sub pæna ducatorum viginti quinque pijs locis arbitrio, &c.

Capitulum quoties congregari contingerit de nostra, vel nostri Vicarij licentia si presentes erimus, conuocabitur, & exhibeatur nobis, seu nostro Vicario schedula, in qua, ea quæ in Capitulo tractanda sunt, prænotentur; nec congregetur, nisi omnes Dignitates, & antiquior Canonicus cognouerint quæ erunt proponenda, & expedire iudicauerint, monitis singulis Capitularibus die præcedenti per certum nuntium, & sequenti die dato Campanæ signo, hora competenti, & nondum diuina celebrantur, nisi urgeat necessitas.

Capitulum non antè celebretur, quam per
digniores recitetur VENI SANCTE SPIRI-
TVS, cum Oratione MENTES NOSTRAS.

Singuli suis locis, & ordine sedèant, vnus-
quisque suam sententiam modè dicat, alter
alterum dicendo non interrumpat; & vt scan-
dala, & odia euitentur, & cuique sit libera
facultas ferendi votum, mandamus sub pœna
ducatorum vigintiquinque pijs locis arbitrio,
&c. quod per Fabas, vel Ciceres, seu lapil-
los secretò suffragia à quolibet ferantur in po-
sterum.

Sacerdotes, & alios Consortio ascriptos so-
litos, & consuetos Capitulo interesse, vocem-
que in Capitulo habere Canonici nullo modo
verent, seu perturbent suffragia ferre sub ea-
dem pœna.

In inuestiendis Ecclesiarum, & Piorum lo-
corum capitalibus congregentur Capitula vt
suprà, & proposito venditore dentur vota se-
creta in duobus Buffolis, nec fiat emptio ni-
si accedat maior pars suffragiorum sub eadem
pœna suspensionis à Diuinis, &c. nullitatis
actus.

Eligatur Cancellarius, qui præstito prius
Iuramento in manibus nostris, vel nostrorum
Vicariorum, omnia à Capitulis capitulariter,

24 CONSTITVTIONES

& valide gesta fideliter in Libro Conclusio-
num describat, eaque à Capitularibus subscri-
bantur, & liber asseruetur in Archiuio Scriptu-
rarum Capituli; Et si suo muneri defecerit,
pænis arbitrio plectetur.

Prohibemus etiam sub pœna ducatorum Cen-
tum locis pijs arbitrio, &c. ne Canonici, seu
Capitulum nouas audeant inducere Consuetu-
dines, nec vèteres sine nostro consensu muta-
re, præcipuè in ijs, quæ pertinent ad commu-
nem Ecclesiæ vtilitatem, & statum, vel ad no-
strum Ius. Omnes verò Consuetudines, seu
priuilegia quæ contra iuris dispositionem inualue-
runt, & quæ fortassis à Prædecessoribus nostris
contrà Iuris, & Conciliorum dispositionem
concessa sunt, nullius esse roboris, & mo-
menti expressè decernimus, & declaramus.



De Diuinis Officijs, & alijs
Functionibus in Ecclesia

faciendis.

CVM bona, & beneficia Ecclesiastica ad diuinum cultum, atque Ecclesiastica munia obeunda sint constituta, nè qua in parte diuinus cultus diminuat, & Deo debitum obsequium præstetur in omnibus rebus præcipuè in recitatione Diuini Officij, ad quam tenentur omnes Sacerdotes, & Sacris initiati.

Præcipimus idcirco omnibus, & quibuscumque Ecclesijs Cathedralibus, Collegiatis, & Curatis vt quolibet anni tempore statuantur horæ, quibus Campanæ pulsentur ad eos conuocandos, qui Choro interesse debent, & ad Diuini Officij recitationem sunt obligati, ad effectum, vt eadem determinata hora ad Ecclesiam se conferant, & postquam Capite detecto aqua benedicta se asperferint, ac Sanctissimum Eucharistiæ Sacramentum humillimè adorauerint ad Sacristiam accedant, & ibi induantur indumentis

D ordini,

26 CONSTITVTIONES

ordini, & Dignitati decentibus; deindè ordinatè, & iuxtà solitas, & debitas præcedentias modestè, & grauitè ad Chorum pergant, quo simul ac omnes peruenerint, dato per Digniore, vel Hebdomadariū Signo Diuinum Officiū incohent, & ad finem deuotè prosequantur.

Ardeant ad Altare duæ saltem Candelæ ad omnes horas, & pulsata Campana, & luminibus accensis, cum conuenerint, qui præsentès fuerint Officiū ad nullius instantiam, vel absentiam differantur.

Omnes concorditer canant, nullus priuatum Officiū recitet scripturas, aut Libros legat, non dormitet, neque stet otiosus, & omninò fugeantur rissæ, clamores, risus, & colloquia, & attendant omnes verbis, & Deo præsentì.

Cantus non sit velox, aut confusus, sed cum grauitate clarus, & distinctus, ità vt psalmos, & hymnos, quos Ore canunt interno cordis affectu, atque animi attentione comitari conentur, & præbeant bonorum operum exemplum, non Populo scandalum.

Nemo dum celebrantur Diuina Officia extrà Chorum cum Cotta, vel sine Cotta permaneant, nec egrediatur Officiū non Completo; sed in egressu à Digniore licentiam petat, & causam exponat, alias punctetur.

Antiphonæ cum intonantur omnes ex utroque latere surgant, & semper sint uniformes in stando, sedendo, & genuflectendo; In cæteris verò quæ ad Diuina Officia solemniori, vel minus solemniter ritu celebranda pertinent, Cæremoniæ Episcoporum tenorem decernimus obseruare.

Statuimus etiam ut nemo in posterum in partem recipiatur, qui præter alia requisita, quæ in suo robore permanere volumus Cantum non calleat Ecclesiasticum; Cuius Cantus scientiam vel ignorantiam cognoscere, & declarare spectet ad Cantores Ecclesiarum, vel Magistros Cæremoniæ.

Abolemus insuper omnes, & quascunque Consuetudines, siue statuta cuiuslibet Ecclesiæ, siue Parochiæ, quæ prohibent, ut nouissimi ad gradum Sacerdotij promoti Missam solemnem non canant nisi conficiant pastum Sacerdotibus, & Clero illius Ecclesiæ in qua reperiuntur ascripti, tamquam repugnantia Sacris Canonibus; & Concilio Tridentino, & ut tollatur abusus dicti pastus, eius vice nouissimus Sacerdos teneatur soluere ducatos tres, qui impendantur pro reparatione, vel paramenti eiusdem Ecclesiæ.

Pari modo iudicamus tollendas esse assertas Consuetudines, quæ nobis irrationabiles visæ

28 CONSTITVTIONES

fuerunt, nempe vt nouissimi Sacerdotes, qui Clerici per omnes gradus Ecclesiæ inferuierunt, ad portiones pro Seruitio Ecclesiæ debitas non admittantur nisi per trienium, biennium &c. Mandantes vt in posterum post sex menses in societatem, portionem, seu distributionem admittantur.

Ad tollendas etiam varias, & diuerfas controuersias, & lites inter Archipræsbyteros, seu Parochos, & Cantores Parochialium Ecclesiarum, in exercitio eorum Officij, & functionum, hac nostra constitutione Sancimus, & præcipimus, vt ad Archipræsbyteros; seu Parochos, qui principatum in Ecclesijs prædictis habent, spectet statuere horas, quibus Missa Solemnis, & Diuina Officia in Festis, & alijs, diebus, & Missæ priuatae celebrari debeant; sed tamen mandamus, vt quolibet anni tempore horas præcipuè statuant, easque horas denuntient, seu potius affigi curent publicè in Sacristia.

Ad eosdem Archipræsbyteros, seu Parochos spectare decernimus pulsari facere Campanas à Sacristis ad conuocandum populum in Ecclesia ad audiendas Missas, & Diuina Officia celebranda horis statutis, vt suprà, & in Aurora, Meridie, & Vesperi ad Salutationem Angelicam, & prima hora noctis ad Orationem pro

Defunctis ; sic etiam imminentibus Procellis.

Adeodem Parochos , seù Archipræsbyteros similiter spectare eligere Diaconos , & Subdiaconos , qui in Missis Solemnibus debeant canere Euangelium , & Epistolam.

Cantores verò absentibus Archipræsbyteris , seù Parochis eius vices gerant in omnibus , donec à nobis fuerit aliter prouisum.

Ad Cantores (præter præheminentiam , nempe vt sit primus in intonando , quælibet Responsoria) spectat eligere qui cantent , vel desistant in Choro , ac etiam distribuere lectiones , & Prophetias in Hebdomada Sancta à Sacerdotibus , seù Clericis canendas , & denique cum ipsi Missam canunt solemnem Diaconum , & Subdiaconum eligere ; In reliquis vltra non se ingerant ; Et ità obseruari decernimus , sub pena ducatorum Quinquaginta locis pijs arbitrio.



De Magistris Cæremo-
niarum.

CVM Cæremoniarum Magistri in Eccle-
sia constituantur, vt ordo qui Ecclē-
siasticæ Hyerarchiæ maximè conuenit
obseruetur; propterea illos mone-
mus, vt curent obseruantiam omnium quæ in
rubricis Missalis, & Cæremonialis Romani sunt
tradita; & Sacerdotes cum grauitate, & de-
core functionibus Ecclesiæ vacent.

Omnes cuiuscumque Dignitatis ijsdem pa-
reant, & si obedire recusauerint teneantur
qualibet vice ad pænam ducatorum sex, & eos
iniuriantes etiam verbis puniantur pæna ducato-
rum Quinquaginta, & Carceris arbitrio no-
stro.



De Officio Sacristiæ.



QUIA ad cultum Diuinum, & Ecclesiæ splendorem valdè confert conseruari supellectilia, & Sacerdotalia Torna-
menta tutiori loco, eademque nitida,
& munda custodiri; Idcirco præcipimus vt in
qualibet Ecclesia (quatenus non extet) fiat ar-
marium, in quo omnia Paramenta, & reli-
qua ad Diuinum cultum necessaria, & destina-
ta commodè reponantur, cuius clavis conser-
uetur per Sacristam, qui sit Sacris initiatus vbi
commodè haberi poterit.

Sacrista cuilibet Sacerdoti Missam celebrare
volenti vestimenta, & alia necessaria iuxtà tem-
porum diuersitatem, & ritum Sanctæ Romanæ
Ecclesiæ distribuat.

Non permittat, vt quæ sunt comunia Eccle-
siæ, seu ad vsum Ecclesiæ, & Sacerdotum co-
muniter destinata, alicuius fiant propria, sed
omnia conseruentur in dicto armario, & distribu-
antur per ipsum Sacristam, sub pæna ducatorum de-
cem locis pijs arbitrio, &c. exigenda tùm à Sacer-
dote controueniente, tùm ab ipsomet Sacrista.

32 CONSTITVTIONES

In Sacristia publicè detineatur tabella in qua omnes , & singuli Sacerdotes sint descripti, & eis sit distributum seruitium per hebdomadas, seù Dietas, iuxtà laudabilem Ecclesiæ consuetudinem.

Curet præcipuè vt quilibet Sacerdos satisfaciât muneri celebrandi missas tam pro viuis, quàm pro defunctis , & quatenus aliquem reperiât , qui dictum onus non adimpleat , vel ipsemet Sacrista notet, & punctet, vel referat punctatoribus Deputatis, vt possint punctare , & nos certiores reddere , vt possimus legitime prouidere , sub pœna ducatorum decem locis pijs arbitrio, exigenda tam à dicto Sacrista quatenus non notet , & punctet Sacerdotem omittentem celebrationem Missarum, quàm contrà ipsummet Sacerdotem.

Pariter in dicta Sacristia publicè detineatur tabella Clericorum Ecclesiæ inseruientium.

Diebus ferialibus in qualibet Ecclesia pro commoditate pauperum extrà Ciuitatem, seù oppida laborantium celebretur Missa summo mane in Aurora .



De Processionibus.

PUBLICÆ, & solennes Processiones ab Ecclesia sunt institutæ, vel ad iram Dei, quam nostra peccata excitant placandam, vel ob gratitudinem, & memoriam beneficiorum ab illo acceptorum; proindè in omnibus publicis Processionibus consuetis, & pro bono publico indictis Præsbyteri, & Clerici omnes interueniant, sub pœna librarum decem caræ albæ pijs vsibus arbitrio, &c.

Omnes talari veste, superpelliceo, & Bireto induti bini modestè incedant spatio conuenienti inter se disiuncti; mandantes quod constituatur aliquis Sacris initiatus, qui Clerum ad Processiones procedentem dirigat.

Processiones à Cathedrali in Vrbe, & in Diœcesi à Matrici Ecclesia ordinatim proficiantur; eodemque reuertantur, Campanæ in egressu, & regressu semper pulsantur, & etiam in ijs Ecclesijs per quas transitur, nec fiant de nocte absque nostra licentia.

In festo Corporis Christi fiat Processio de mane, ad quam omnes Regulares, & Confrater-

34 CONSTITVTIONES

nitates, & vnusquisque de Clero cum vestibus
sui ordinis, & Careis accensis accedat; Viæ
per quas Processio transibit floribus spargantur
Domorum fenestræ, & parietes decenter ornen-
tur, tormentaue bellica in signum honoris la-
xentur.

Processionem in festo Ascensionis ad benedi-
cendam Ciuitatem, & terras, & Crucem super
maiori porta, seu aptiori loco apponendam sin-
gulis annis cum solitis Cæremonijs celebrari de-
cernimus.

De Distributionibus, & Punctatoribus.

CVM distributiones quotidianæ, ad cul-
tum diuinum in Ecclesijs augendum,
introducæ, jstantum debeantur, qui
Diuinis Officijs pro sui muneris quali-
tate, inseruientes interfunt, vt assiduitatis ratio per-
cunctetur, præcipimus, vt in Cathedralibus, Col-
legiatis, & matricibus, seu Parochialibus Ec-
clesijs constituentur duo punctatores, vnum per
nos, seu nostrum Generalem Vicarium, alterum

per

per Capitulum eligendi, qui omninò inuigilent, & curent notare, & punctare in Libro ad hunc effectum faciendo omnes, & singulos qui in Choro interesse sunt obligati, & tamen non interueniunt, neque sunt presentes horis ad Diuina Officia recitanda destinatis.

Volumus etiam vt dicti punctatores ante Officij susceptionem in manibus nostris, siue nostri Generalis Vicarij, vel Vicariorum foraneorum fidei professionem emittant, & iuramentum de fideliter, integrè, & nulla personarum exceptione habita Officium suum exequendo præstent.

Officium verò eorum erit non solum absentes, & negligentes punctare; sed etiam eos, qui in ijs, quæ suprà sancita sunt, in Choro deliquerint; Quò verò ad punctorum summam seruetur cuiusque Ecclesiæ consuetudo.

Nulli dignitatem obtinentes aliquo modo à Diuinorum Officiorum recitatione in Choro, aut exemptos esse, aut aliquo priuilegio, etiam sub prætextu, quod expectari debeant, aut alio quouis quæsito colore distributionibus gaudere se posse præsumant, sed in omnibus pariter, ac alios se obligatos esse sciant, cum Dignitates pietate præcellere, & alijs exemplo esse debeant, & idcirco diligentiores, & frequentiores in Choro

36 CONSTITVTIONES

presentes esse teneantur abusibus omnibus, si qui sint in contrarium, quos corruptelas esse declaramus pænitus sublatis, prout disponit Sacrum Concilium Tridentinum.

Quæ prædicta si exequi quouis humano respectu neglexerint Punctatores, vltra pænam perjurij, teneantur alijs pænis nostro arbitrio locis pijs applicandis.

Volumus etiam vt dicti puncti nullo modo remitti possint quouis prætextu, etiam si accesserint consensus omnium, & singulorum de Capitulo, sed casu quo Capitulum condonaret, tunc immediate applicentur fabricæ, seu reparationi Ecclesiæ, & Capitulum, ad pænam dupli teneatur, applicandam, vt supra.

De Parochis.



ARCHIPRÆSBYTERI seu Parochi ad curam animarum vocati, qui Speculatoris Officio funguntur, & de quorum manu salus, & perditio animarum requiritur, ita fideliter, & diligenter Pastorum munus exerceant, quasi non pro se ipsis, sed

pro

pro ouibus suis pascendis illud susceperint, vt in paruis reperti fideles in multis gloriosè constitui mereantur.

Proindè ità à Criminibus caueant, vt qua decet libertate laicos, seù eos, quorum gerunt curam animarum redarguere valeant, & ijdem laici sibi non respondeant eadem se commississe, quæ corripunt, & ne illud Prophetæ dictum adimpleatur in eis. SACERDOTES DEI CONTAMINANT SANCTA, ET REPROBANT LEGEM, Immò possint dicere, & prædicare, Sancti estote, quia ego Sanctus sum.

Omnes Parochi habeant Librum, in quo nascentium, & illorum Patris, & Matris nomen, & si spurij sint Matris tantum cum anno, & die natiuitatis describant, in quo etiam Libro illorum Compatres adnotent, similem etiam Librum confirmatorum; Librum familiarum suæ Parochiæ; Librum Communicationum; Librum Matrimoniorum, & Librum Mortuorum, in quo mortis diem, & sepulturæ describant, & an testatus, vel intestatus decesserit, sub pænâ ducatorum decem in defectu cuiusque Libri.

Excommunicatos ab Ecclesia, denunciatos seu notorios ab Ecclesia arceant, sub pænâ à Iure inflictis, & alijs arbitrio nostro.

38 CONSTITVTIONES

Notam in Paschate non Communicantium ,
publicorum Concubinariorum, & Coniungum se-
paratorum sine nostro decreto, ad nos transmi-
tant sub pœna scutorum viginti.

Caueant Curati se ingerere in exactione reddi-
tuum Decimarum, & oblationum suarum Eccle-
siarum, præcipientes quod, per Procuratorem
à Clero electum capitulariter exigantur, & per
eundem fiant expensæ, & rationes, seu com-
puta reddantur pleno capitulo, seu rationally-
bus ab ipso electis sub pœna scutorum viginti-
quinque.

Olea Sacra quotannis renouent, & infra
biduum post feriam V. maioris Hebdomadæ
mittant in Sacris constitutum ad illa sumenda
sub pœna ducatorum sex; Ordinantes Curatis
nostræ Cathedralis, vt illa impartiantur perso-
nis à nobis significandis sub eadem pœna.

In relatione nobis facienda de Baptismo,
Confirmatione, ætate, & impedimentis ordi-
nandorum sub vna tantum fide attestationem
faciant, pro qua non exigant plusquam ca-
rulenos duos sub pœna scutorum duodécim.

In publicationibus exigant vnum carole-
num pro qualibet denuntiatione, seu publi-
catione facienda sub pœna prædicta.

Pro sententia excommunicationis non reci-

piant

piant suprà carulenos duos ; ità pariter pro qualibet fide facienda ; & pro exhibitione reuelationum sub prætectu præsentata nihil capiant sub eadem pœna .

Diebus festiuis per se ipsos gregem sibi commissum doceant fidei rudimenta ; Euangelium illius diei explicent , & omnia quæ ad salutem sunt necessaria , præcipuè actum contritionis explanent ; Et quotiescunque indulgentias publicari oporteat , Populum diligenter instruant , pro illis consequendis .

Non mittant filianos in alias Ecclesias ad suscipienda Sacramenta Eucharistiæ pro adimplendo præcepto paschatis .

De Clericis Albanensibus , feu Græcis .

QUONIAM in nostra Dicecesi commorantur Albanenses in pluribus Casalibus , quorum Sacerdotes , & Clerici Ritus à Sancta Romana Ecclesia constitutos , habent diuersos , ritus Græcos obseruantes .

40 CONSTITVTIONES

Præcipimus idcirco vt Græci in vnctionibus , quæ circa baptismum fiunt morem Ecclesiæ Romanæ teneant , & obseruent.

Soli Episcopi consignent Chrismate baptizatos, quia huius vnctio non debet nisi per Episcopos exhiberi, quoniam soli Apostoli, quorum vi- ces gerunt Episcopi, per manus impositionem, qua confirmatio, vel fontis chrismatio repræ- sentatur spiritum sanctum tribuisse leguntur.

Sanctissimum Eucharistiæ Sacramentum, quod pro infirmis asseruatur, singulis octo diebus, aut saltem quindecim renouetur.

Si Albanenses velint accipere altaria porta- tilia ab Episcopis latinis consecrata, bene erit, sin minus tolerantur eorum thyoni, seu throni super altaria lapidea ponenda cum celebrant.

Corporalia vti latini habeant, nisi thyonis etiam pro corporalibus vtantur.

Circâ Sacramentum Pænitentiae in casu neces- sitatis Præsbyteri Græci possunt Latinos absol- uere.

Vtantur forma absolutionis in generali Con- cilio Florentino præscripta, & postea si volue- rint dicant orationem illam deprecatiuam, quam pro forma absolutionis huiusmodi dicere tantum consueuerunt.

Aqua ex ritu Græco in die Epiphaniæ, vel
primo

primo die Mensis benedicta conferuetur in Ecclesia, vt illa fideles aspergantur.

Circa Sacramentum ordinis Græci Albanenses sine literis Dimissorijs Episcopi latini Diocesani ad Sacros Ordines promoti suspensi sint; Et si suspensi in suis Ordinibus ministrauerint efficiantur Irregulares, sicut & latini, & super huiusmodi, & similibus irregularitatibus dispensandi facultatem à Sancta Sede Apostolica obtinere oportet.

Circa Sacramentum Matrimonij Albanenses Græci omninò obseruent Decretum Sacri Concilij Tridentini de Reformatione Matrimonij; Quod Decretum Parochus Græcus vertat in linguam Græcam, & publicet, & denuntiet Populo.

Prohibemus ne Matrimonia dirimantur, & quatenus de facto dirimentur, nulla, & irrita declaretur diremptio.

Latina Vxor non sequatur Ritum Mariti Græci; Græca Vxor sequatur Ritum Mariti Latini; Quod si fieri non possit, quisque Coniugum in suo Ritui Catholico tamen manere permittatur; Proles verò sequatur Patris Ritum, nisi præualuerit mater latina.

Circa alia Dogmata omninò dicti Græci Albanenses obseruent ea, quæ continentur in

perbreui Inſtructione ſuper Ritibus Græcorum facta de mandato Felicis Recordationis Clementis Papæ VIII. quam inſtructionem, ſeu librum habeat quilibet Parochus Græcus.

Beneficiati omnes, vel in Sacris Ordinibus conſtituti ſecundum probatum Græcorum Ritum teneantur horas Canonicas recitare, & dum celebrant Sacerdotes non pileum, ſed pileolum, quod Birettinum appellant, ex Græcorum conſuetudine geſtent.

In Miſſis Epistolam Subdiaconi tantum, & Euangelium Diaconi canant.

In Eccleſijs nullo modo commeaſiones admittant.

Aduertant Parochi, vt omnes & ſinguli Dominicis, & alijs diebus feſtis de præcepto Sanctæ Romanæ Eccleſiæ Miſſam audiant, & ter in die iuxta Ritum eiſdem Sanctæ Romanæ Eccleſiæ Campanam pulſent, pro recitatione Angelicæ Salutationis.

Confellarij teneantur poenes ſe habere Bullam Coenæ Domini, vel eiſ ſummarium, ac notam Caſuum à nobis reſeruatorum.

Clerici incedant cum habitu, & tonſura, iuxta Conſuetudinem Sanctæ Romanæ Eccleſiæ.

De Regularibus.

REGVLARES admonemus, vt in eorum Officio se contineant, vt quæ ad suæ professionis perfectionem pertinent fideliter obseruent, & extrâ claustra licentiosè viuendo non vagentur, & omnia, & singula fideliter obseruent, quæ à Sacro Concilio Tridentino statuta leguntur, præcipuè quò ad obedientiam, & réuerentiam quam nobis præstare debent.

In Ecclesijs Parochialibus, seù alijs quibuscumque Ecclesijs Sacerdotum beneficiatorum secularium confessiones non audiant, & Missas non celebrent sine licentia ipsiusmet Parochi, seù Sacerdotis.

Confessiones secularium nisi fuerint prius à nobis approbati seruata forma Sacri Concilij Tridentini non audiant, nec Sacramenta Eucharistiæ, aut extremæ vñctionis administrent infirmis; & infantulis Baptismi non conferant Sacramentum, nisi in casu necessitatis.

In eorum Ecclesijs Confraternitates non erigant absque nostra licentia; in quibus nec

44 CONSTITVTIONES

audeant concionare absque nostra benedictione.

Propositiones scandalosas errores continentes, & catholicæ fidei, vel bonis moribus minimè conformes non asserant, nec publicè proponant.

Pingentes, sculpendes, vel pingi facientes Imagines Domini Nostri Iesu Christi, Deiparæ, & Sanctorum, quæ sint insolitæ, aut vestitæ alio habitu, & forma, quam Catholica Ecclesia consuevit, punientur.

Ad publicas, & consuetas Processiones accedant.

Indulgentias à Summis Pontificibus impetratas nobis inscijs non publicent.

Campanas in Sabbato maioris Hebdomadæ non pulsant, antequam pulsantur Campanæ Cathedralis, vel matricis Ecclesiæ.

Reuelationes, & miracula non authentica publicare caueant; Neque audeant exorcizare absque nostra licentia.

Cum alicui funeri conuocantur ad Cathedralē, vel Parochialem, seu Matricem Ecclesiam accedere debent, & exinde cum Parocho ad Domum, ex qua Cadauer est extrahendum se conferre.

A Casibus nobis reseruatis non absoluant, sub Excommunicatione Summo Pontifici reseruata.

Conseruatorem si elegerint, amplius variare, & alterum eligere non possint, & electio nullius sit roboris, nisi fuerit capitulariter facta, & nobis infra mensem post publicationem presentis Synodi notificata; Et si Conseruatores cum eisdem prædictis conditionibus non electi, in Causis se intromittant per eos gesta sint nulla, & irrita, sed Regulares in nostra Curia ita conueniri debent perindè ac si electio non esset facta, quacumque consuetudine in contrarium non obstante.

De Obseruatione dierum Festorum.

FESTORVM dierum obseruantia est ex tertio Decalogi præcepto, quod præceptum est externus quidam cultus, quem Deo rerum, omnium auctori debemus, & quoniam rerum humanarum varijs, & multis occupationibus, & curis distracti præpedimur, ita vt non facile diuina pietatis officia præstemus, certum, ac definitum tempus

46 CONSTITVTIONES

statutum est, quo ea commodè obire possimus.

Vndè mandamus Archipræsbyteris, & Curatis, quod quolibet die Dominico præcedente denuntient Populo festa de præcepto cum Vigilijs; Dies verò festos de præcepto seruari mandamus iuxtà ordinationem fel. Record. Urbani VIII.

Mandantes vt omnes, & singuli ab operibus seruilibus abstineant, iura non reddantur in causis ciuilibus, neque criminalibus, nisi in quibusdam iuxtà dispositionem Sacrorum Canonum, contractus non celebrentur; Iuramenta non præstentur; Merces, nec quicquam aliud ad vendendum exponatur, vel aliquid negotij genus fiat, quod à pia festorum sanctificatione fideles retardet sub pœnis contentis in Bulla Felic. Record. Pij V., & librarum decem cæræ albæ locis pijs arbitrio, &c.

Excipimus tamen ab his venditionem rerum medicinalium pro Infirmis, dummodò, iantuis saltem pro medietate clausis, vendantur, ac etiam earum rerum, quas victus humani necessitas exposcit, dummodò venditio fiat post celebrationem Missarum, & cum licentiâ Vicarij foranei; Qui Vicarij foranei cumulatiuè cum Parochis contra dies festos violantes diligenter inquirent.

Mandantes , sub poena ducatorum viginti locis pijs arbitrio ; dictis Parochis , seu Vicarijs foraneis , vt præter casus necessitatis non audeant concedere licentiam opera seruilia exercendi , & dies festos violandi , & pro dictis licentijs recipere aliquod præmium neque in pecunia , neque in quauis alia re .

Quò verò ad Nundinas nè diebus festis frant prohibemus ; Et si Nundinæ sint ordinariæ , & ex antiquata consuetudine mandamus silere solummodò durante tempore celebrationis Missarum iuxta Decretum Sacræ Congregationis Rituum .

Caueat quisque executionem facere in diebus festiuis sub pena excommunicationis .

De Vicarijs Foraneis.

VIGILANTIÆ nostræ studium , vt in singulis Dioecesis partibus adhiberi contingat , cum per nos , seu nostrum Generalem Vicarium vbique præesse minimè valeamus ; proindè Vicarios foraneos constituere necessarium duximus , qui diligenter curent vt ea omnia , quæ in his nostris

48 CONSTITVTIONES

Constitutionibus Synodalibus , & Visitationis decreta obseruentur , & de Delictis quæ contrà nostrarum Synodaliū Constitutionum tenorem, ac dispositionem Sacrorum Canonum, & Sacri Concilij Tridentini per quosvis nostræ Iurisdictioni subiectos committi contigerit , informationes capiant , & processus conficiant , & easdem informationes , & Processus infrà sex dies ad nos , seù nostrum Vicarium Generalem transmittant , sub pœna ducatorum Quinquaginta , & suspensionis ipso factò incurrendæ nobis tantummodò reseruata .

Contrà Concubinarios , Vsurarios , ac seditiosè viuentes , & denique de omnibus excessibus , & delictis contrà quascumque personas cuiusuis conditionis , præcipuè contra Parochos in eorum Officio delinquentes , & de omnibus causis ad hoc nostrum forum Episcopale spectantibus informationem capiant , & ad nos , vt suprà transmittant , Officiū fideliter agant , nihil omninò capientes quocumque prætextu , etiam à sponte dantibus pro dictis causis sub eadem pœna .

Verum quia experientia docuit ad suspitiones , & factiones remouendas , ac in locis angustis consanguineorum , & affinium affectus tollendos maximè expedire alios adiungere ,

proin-

proinde volumus vt Parochi, Curati, & Cantores infolidum ad electionem quærelantium in causis fuspicionis Vicariorum foraneorum, & ad voluntatem partium possint omnia delicta inquirere, informationem capere, & Processus conficere iuxtà quærelas à Partibus porrigendas; Inquirent etiam, & Processus, & informationes ad nos transmittant, ac etiam inquirent, & informationem capiant contra dictos Vicarios foraneos, quatenus eorum Officio debite non fungantur, vel aliqua patrauerint delicta eodem modo, & sub eadem pæna vt supra.

Absentibus Vicarijs foraneis donec aliter à nobis fuerint prouisum in eorum Officium succedat dignior de Clero cum ijsdem honoribus, & oneribus.

De Sacramentis in genere.

PER Sacramenta omnis verò iustitia vel incipit, aut cæpta augetur, vel amissa reparatur; & cum sint res valde Sacrosanctæ, tractari etiam Sanctè debent; Quapropter monemus Parochos, & Sacerdotes, vt cum omni Sanctitate, & reue-

50 CONSTITVTIONES

rentia, absque vlla peccati mortalis macula illa administrantur.

Præcipimus, vt in conficiendis Sacramentis Curati, & Sacerdotes adhibeant materiam, & formam iuxta vsum, quem tenet, & sequitur Catholica Ecclesia, & in partibus essentialibus nullam mutationem faciant, sed in omnibus obseruent receptas, & probatas ab Ecclesia Romana Cæremonias.

Sacerdotes dum conficiunt Sacramentum, vel paulò antè semper excitent, & renouent intentionem perficiendi illud, & faciendi quod intendit Ecclesia; vt si baptizent, habeant intentionem regenerandi Hominem in Christo; si celebrent Sacrificium Missæ, intendant consecrare Corpus, & Sanguinem Domini Nostri Iesu Christi, & ità in similibus, ita vt habeant intentionem perficiendi tale Sacramentum, & id quod Christus instituit, & intendit Ecclesia.

In Sacramentorum administratione Ministri semper induantur superpellicèo, & stola illius coloris, quem Sacramenti Ritus exposcit, nisi in Sacramento Pænitiæ ministrando necessitas aliud suadeat.

Ad susceptionem Sacramentorum non patiantur accedere quemquam nisi armis priùs depositis; & ità pariter seruari faciant à Compatribus

Baptismi,

Baptismi, & Confirmationis.

Caueant in administratione, & confectiōe Sacramentorum adesse Excommunicatos, Hæreticos, & Infideles.

Exigentes pro administratione Sacramentorum aliquid præter id, quod de Iure debetur ratione Officij, vel laudabilis Consuetudinis, & quid etiam minimum pro Sacramento Pænitentiae, Eucharistiae, & extremæ vnctionis, etiam directè, vel indirectè petentes, arbitratu nostro puniuntur.

Curati culpanes decedere filianos sine Sacramentis pæna suspensionis biennalis à Cura, & alijs arbitrio mulcentur.

Sacramentalibus, aut materia Sacramentorum sub quouis prætextu etiam pietatis, vel deuotionis, aut pro curandis infirmitatibus, & eo magis pro superstitionibus nemo abutatur, sub pæna excommunicationis ipso facto, & alijs arbitrio nostro.

Olea Sacra, Sal benedictum, & alia Sacramentalia laicis dantes pænam Carceris, & alias arbitrio nostro luent.



De Sacramento Baptismi.

BAPTISMI Sacramentum est primum, & ianua omnium Sacramentorum, & ex eo propriè procedit iustificatio, quæ est translatio ab eo statu in quo homo nascitur filius primi Adæ in statum gratiæ, & adoptionis filiorum Dei per secundum Adam Iesum Christum Saluatorem nostrum, quæ quidem translatio sine lauacro regenerationis, aut eius voto fieri non potest, sicut scriptum est NISI QVIS RENATVS FVERIT EX AQVA, ET SPIRITV SANCTO NON POTEST INTROIRE IN REGNVM DEI.

Itaque Parochus diligenter curet, vt quam primum, vel saltem infra tres dies pueri, seu infantes nati ad lauacrum regenerationis, & fontem baptismi ducantur, & hortentur Parentes vt Sanctorum nomina baptizandis imponant.

Ad baptizandum non admittatur nisi Parochus, & si fortè sit impeditus admittatur Sacerdos cum licentia nostra, vel ipsius Parochi.

Vbi verò casus necessitatis, & vitæ periculum immineat admittantur ad baptizandum tùm Ma-

res, tùm fæminæ, si tamen non sit præsens Sacerdos, vel Clericus, quia tunc Sacerdos, vel Clericus est præferendus, sicut pariter præferatur vir mulieri, & semper dignior siuè in ordine, siuè in sexu, siuè in ætate, minùs digno.

Cum verò sæpiùs contingat huiusmodi necessitas, & vitæ periculum, quo casu Obstetrices, baptizare consueverunt; idcirco mandamus sub pœna excommunicationis alijsque arbitrio nostro &c. omnibus, & singulis Parochis, & Curatis vt diligenter inquirent si dictæ obstetrices sciant verba, quæ pro forma ad baptizandum requiruntur; & post examen diligenter factum si casu eas ignorare reperierint, omnino, sub pœna excommunicationis de mandato nostro eis prohibeant donec instruantur.

Si verò à dictis Obstericibus, vel alijs in casu necessitatis baptizatus mortis periculum euaserit ad Ecclesiam quam primum adducatur, vt exorcismus, Catechismus, Præces, atque aliæ Cæremoniæ suppleantur.

Et vt grauiissimus error iterum baptizandi euitetur præcipimus sub pœnis arbitrio, &c. omnibus, & singulis Parochis, vt antequam Ritus, & cæremonias baptizandi incipiant benè informetur à Parentibus, seu Domesticis, an infans baptizandus sit aliquo pacto alias baptizatus.

54 CONSTITVTIONES

Et quatenus baptismus reuocetur in dubium sub conditione baptizent nempè, SI NON ES BAPTIZATVS EGO TE BAPTIZO IN NOMINE PATRIS, ET FILII, ET SPIRITVS SANCTI. AMEN, SED SI ES BAPTIZATVS EGO TE BENEDICO.

Cessante casu necessitatis ad priuatas Domus nullo modo baptismus conferatur, sed solummodò in Ecclesia Parochiali sub pœna ducatorum Quinquaginta locis pijs arbitrio, &c.

Et Curati iniungant Parentibus Baptizati, vt infantem per annum integrum in suomet lecto vna cum ipsis dormire non faciant; & quatenus contrafecerint, & subsequatur Pueri suffocatio ipso facto excommunicationem incurrant.

Non recipiantur nisi vnus Patrinus, & vna Matrina, ità vt sint duo tantum Vir, & Fœmina iuxtà dispositionem Sacri Concilij Tridentini.

Expositi Infantes sine schedula Baptismi reperi, vel cum schedula, si re diligenter perquisita non constet esse baptizatos, sub conditione baptizentur, iuxtà formam suprâ præscriptam; Sic etiam quando est dubium an infans viuat vel nè, aut si monstrum sit, & dubitatur an habeat animam rationalem.

Susceptor eius qui Domi baptizatus est, idem

fit,

fit, quando baptizatus ad Ecclesiam ad cæremonias explendas deferatur.

In omnibus Parochialibus, & Curatis Ecclesijs in loco competenti adsit fons baptismalis, ex lapide marmoreo decenter fabrefactus, & aptus ad retinendam aquam, ità vt foris nullo modo effluat.

Idem fons à parte superiori claudatur ligno nuceo, vel alio simili, vt non facile corrumpatur, à parte verò interiori idem lignum tegatur serico albo.

Intus adsit nauicula argentea, cum qua effundatur aqua super capita baptizandorum.

Vascula pariter in quibus custoditur Sanctum Oleum Chrismatis, & cathecumenorum sint argentea si commodè fieri possit, sin minus sint stamnea, & claudantur bombice, & omnia nitida, & munda custodiantur.

Aqua verò eiusdem fontis baptismalis bis in anno benedicatur, & renouetur, nempe die Sabati Sancti, & in Vigilia Pentecostes de more Ecclesiæ.

Sacrarium sit propè fontem, mundum, profundum, & claue semper occultum.

De Sacramento Confirmationis

POST Baptismum inter Sacramenta nouæ legis secundum in ordine est Confirmatio, conferens characterem in signum militiæ Christi, ideòque vlla vnquam ratione iterari possit.

Pueri antè vsum rationis ad confirmandum non afferantur; Adulti verò prius confiteantur sua peccata Sacerdoti approbato.

Munus ministrandi hoc Sacramentum solius est Episcopi.

Patrini confirmandorum sint ipsi confirmati, non excommunicati, Interdicti fidei rudimenta ignorantes, qui in Paschate non communicauerint, Regulares, nec consanguinei in primo gradu, cum in hoc Sacramento contrahatur affinitas spiritualis sicut in Baptismo.

Vnus tantum Compater admittatur, & vnus quisque sui sexus, nempe fœmina fœminam, masculus marem suscipiat, & scribantur in libro nomina Confirmatorum, & compatrum,

siue Commatrum cum die mense, & anno; Ceteraque obseruentur, quæ in Pontificali Romano notata sunt.

De Sacramento Pœnitentiæ.

PŒNITENTIA est Sacramentum reconciliationis Hominis cum Deo post Baptismum lapsi in culpam grauem, quod Sacramentum necessarium est ex institutione Christi necessitate medij, & præcepti; nam quamuis Peccator iustificari possit per actum contritionis, tamen non liberatur ab obligatione confitendi, & contritio includit Confessionem in Voto, confitendi tempore debito, nempe antè sumptionem Eucharistiæ, aut in articulo mortis data opportunitate.

Exquirant Confessarij à mulieribus, & Rusticis an contritionis; vel attritionis actum formauerint, & si non egerint excitent in eis antè impartitionem absolutionis actum Contritionis; nempe doloris super omnia de offensa Dei summi boni super omnia amabilis, vel saltem actum attritionis; scilicet doloris ex timore pœnarum Inferni, seu ammissionis Paradisi, aut ingrati-
 tudinis

58 CONSTITVTIONES

dinis ergà Deum datorem omnium bonorum,
cum proposito de cætero non peccandi.

Præcipimus igitur vt nullus Sacerdos qui Pa-
rochiale Ecclesiam, ac animarum curam non
habet siuè sæcularis, siuè Regularis confessiones
audire præsumat, nisi à nobis, vel nostro Ge-
nerali Vicario præuio diligenti examine, ac vi-
so prius si sit probatæ Vitæ, & conditionis fue-
rit approbatus, & si Regulares sint habeant
suorum superiorum litteras.

Non audiantur Confessiones nisi in Ecclesijs
ianuis apertis, & patentibus, neque antè auro-
ram, nec post Solis occasum, neque in priuatis
domibus nisi in casu infirmitatis, vel notoriæ
necessitatis.

Audiantur præterea in sedibus confessionali-
bus, quas in qualibet Ecclesia in locis con-
spicuis disponi præcipimus; neque de facie ad
faciem, sed media crate ferrea.

Caueant Confessarij aliquo verbo, aut signo,
aut alio quouis modo peccata prodire, & sigil-
lum Confessionis frangere sub penâ depositio-
nis à Sacerdotali officio, perpetui carceris, &
ducatorum bis centum.

Mandamus omnibus Confessarijs tam sæcula-
ribus, quam Regularibus, qui noverint pæni-
tentes sollicitatos in confessione vt eos admo-

neant de obligatione denuntiandi nobis confessarios cuiusvis ordinis, tam Sæcularis, quam Regularis qui in actu Sacramentalis Confessionis, etiam confessione, & absolutione non sequuta, ad turpia sollecitarunt, vel cum eis habuerunt inhonestos sermones, & si forsan consensissent sollicitantibus, eos certos faciant, ut simpliciter denuntient se sollicitatos, nec vllò se vnuquam tempore publicandos; Et si hoc Officium prætermiserint, seu pænitentes docuerint non teneri ad denuntiandum punientur seruata forma Bullæ Gregorij XV.

Confessarij pænitentias pecuniarias sibi applicandas, aut ab ipsis distribuendas, pænitentibus non imponant, quærentes quæ sua sunt, non quæ Iesu Christi; Quod etiam prohibemus in Missis pro pænitentia iniunctis, ut omnis turpis lucri suspitio cesset. Qui contrafecerit ab audiendis confessionibus donec prædicta restituerit eo ipso suspensus existat, grauius etiam arbitrio nostro puniendus.

Sciant cuncti etiam Regulares à nobis ad audiendas Confessiones approbati, fas illis non esse quorumcumque Priuilegiorum prætextu in casibus nobis reseruatis sine nostra speciali licentia absoluerè, nisi in mortis articulo, sub pæna excommunicationis latæ Sententiæ, priuationis Of-

ficiorum, Dignitatum, ac Beneficiorum, & in
habilitatis ad quęcumque beneficia obtinenda,
ipso facto, absque alia declaratione; super qui-
bus à nemine, nisi à Summo Pontifice Dispen-
satio, absolutio, & habitatio impetrari potest,
iuxta Decretum Sacrę Congregationis Concilij
de mandato Fælic. Record. Cleme. PP. VIII. die
26. Nouembris 1602.



Casus referuati quibus anne-
xa est Excommunicatio
late sententię.

- I. **M**OMICIDIVM voluntarium commi-
tens siuè per se, siuè per alium,
& eis præstantes auxilium, consi-
lium, & fauorem.
- II. Procurantes abortum fætus animati effectū
tamen sequuto.
- III. Blasphemantes Deum, Beatam Virginem,
vel sanctos ex praua consuetudine.
- IV. Falsum testimonium in iudicio deponen-
tes, & ad idem inducentes consilio,
vel opera.

- V. Committentes veneficia, sortilegia, incantationes, fascinationes, ligaturas cum expressa Demonis inuocatione, & eamdem adhibentes in soluendis maleficijs.
- VI. Abutentes per se, vel per alium Sacramentis, & Sacramentalibus, aut quacumque re Sacra, in diuinationibus, sortilegijs, maleficijs, & quacumque alia re illicita; Item dantes huiusmodi res Sacras, etiam effectu non sequuto.
- VII. Decimas nostræ mensæ debitas non soluentes, & fraudantes.
- VIII. Manus violentas iniicientes in Clericos. Declarantes quod absolutiones ab omnibus excommunicationibus, suspensionibus, & interdictis à nobis inflictis, nobis tantum modò sunt reseruata.



Casus referuati quibus annexa non est excommunicatio .

- I.  VBLICI concubinarij siue masculi, siue mulieres.
- II.  Vsurarij publici, & Notarij contractus vsurarios conficientes.
- III. Incestuosi in primo, vel in secundo gradu consanguinitatis, vel affinitatis, vel cognationis spiritualis, & filiationis ex Sacramento pœnitentiæ contractæ quò ad virum tantum.
- IV. Sodomiam exercentes, & cum Brutis coheuntes.
- V. Sponsi, & Sponsæ ante benedictionem Parochi rem simul habentes.
- VI. Incendiarij frugum, & arborum frugiferarum.
- VII. Adulterantes Scripturas, & in Iudicium eas proferentes.
- VIII. Occultantes, vel non soluentes legata pia, & amouentes aliorum animos ab ijs

constituendis, peruercentes vltimas testan-
tium voluntates.

DE SANCTISSIMO

Eucharistiæ Sacra- mento

AVGUSTISSIMVM Eucharistiæ Sacra-
mentum, quo nihil dignius, nihil ad-
mirabilius habet Sancta mater Eccle-
sia, quia Christum continet gratia-
rum omnium fontem vberrium, in ordine cuius
Sacramenti tot, & tanta miracula inclusit Deus,
vt in ipso omnium mirabilium suorum memo-
riam renouasse videatur; vnde Misterium Fidei
dicitur. Proinde Curati diebus Festis Populum
hortentur vt sine peccatorum labe Sacramen-
tum istud frequenter suscipiat, & præsertim in
Festis maioribus, & Beatæ MARIE Virginis, &
reuerentiam præstandam huic Sacramento edo-
ceant, hortantes, quod quando Equo, vel
curru aliquis vectus huic Sacramento occurrerit,
statim descendat, & flexis vtrisque genibus
DEVM suum, & Dominum reuerenter adoret.

64 CONSTITUTIONES

Afferuetur intrà Custodiam conuenientis magnitudinis expolitam, vndique argento, & auro ornatam, Conopeo serico albo, vel alterius coloris, iuxtà Ritum Ecclesiæ foris opertam; panno serico, cum mundo corporali strato in ima parte intus vestitam, & ostiolum sit benè clausum, & habeat clauem auratam, vel argenteam, quæ funiculo appensa custodiatur, & sit penes Curatos; & antè Eucharistiam semper ardeat lampas cum oleo oliuarum.

Parochiales habeant duas Pyxides, aliam conuenientis magnitudinis pro ministrando Sacramento intus Ecclesiam, quæ constet ex argento, & lita sit ex auro intus, pes autem similiter sit auro contextus, Altera sit pro Communionem infirmorum argentea, intus deaurata, quæ operculo benè claudatur; ut in eundo, & redeundo Sacræ particulæ cadere non possint; Et omnes Parochi de illis provideantur, sub pæna ducatorum Vigintiquinque infrà duos menses; & cum ad infirmos defertur includatur in Bursa decenter ornata, & ad collum appensa, & funiculis sericis hinc indè pendentibus ad pectus alligetur.

Arceantur à susceptione huius Sacramenti publici Concupinarij, Vsurarij, capitales inimicitias exercentes, Meretrices, Coniuges separati

sine Ecclesiæ iudicio, Amentes, & Pueri huius misterij ignari.

Deferatur ad infirmos sub decenti Baldachino habeantque Curati deferentes velum, quod humeros, & Pyxidem contegat, plures deferant particulas, & curent prius conuocare ad sonum Campanæ Sacerdotes, Clericos, & Populum, cum quatuor faculis accensis incedant, vel cum duabus Lanternis, & duabus faculis, & aduertant an infirmus vomitus infirmitate laboret, antequam illi conferant, quo casu abstineant, & differant.

Resplendeant saltem duodecim lumina cum publicè exponitur, & aliqui orantes semper assistant. Dum verò ministratur Populo adsint in Altare saltem duæ candelæ accensæ in candelabris, & duo Clerici assistant cum duabus candelis accensis, vel saltem vna, iuxta Ecclesiæ facultates, & habeatur Vas decens, & mundum, quo præbeatur purificatio postquam communicauerint.

Curent præterea vt in Domo, seù Cubiculo Infirmi cui deferatur, mensa decens cum luminibus ponatur ad effectum, vt donec infirmus reconcilietur, vel preces dicantur, Sacramentum in ea reponi possit.

Pari modo cum Sanctissimum Sacramentum in

66 CONSTITVTIONES

feria V. Cænæ Domini conditur , curent, vt locus prætiosioribus quam fieri possit ornamentis ornatur, & extent lampades , & luminaria accensa.

De Celebratione Missarum.



SACROSANCTVM Missæ Sacrificium, vt omni Religionis cultu , ac veneratione celebretur maxima est cura adhibenda; nullum enim aliud opus adeò Sanctum , ac diuinum à Christi fidelibus tractari potest , quam hoc ipsum tremendum , misterium , quo viuifica illa hostia , qua DEO patri reconciliati sumus, in Altare per Sacerdotes quotidie immolatur.

Ideò curent omninò Sacerdotes vt cum ad celebrandum accedunt præuia confessione Sacramentali , ac expiata conscientia Sacerdotalibus vestimentis induti ad Altare se conferant.

A' sacrario ad Altare incedant omni qua decet grauitate, modestia, & oculis demissis, vt deuotionem fidelibus augeant , & in animos astantium venerationem inijciant.

Plures eodem tempore Sacerdotes ad celebrationem Missarum non exeant , sed vnus post
alium

alium, aliquo dato interuallo pro Populi Commoditate.

In Altare dum celebratur extet Sanctissima Crux, & duæ candelæ accensæ si Missæ sint priuatæ; In Missis verò solemnibus quatuor reluceant candelæ in Cathedralibus, Collegiatis, ac in alijs Parochialibus, si fieri possit.

Nullus Sacerdos nouissimè promotus sine nostra licentia Missas audeat celebrare, nisi præuio examine cæremonias, ac Ritus Ecclesiæ à nobis, vel nostro Generali Vicario didicisse cognoscatur.

Parochi exteros Sacerdotes non admittant ad celebrandum in eorum Ecclesijs, nisi ostensis litteris commendatitijs, à nobis licentiam obtinuerint, vel à nostris Vicarijs foraneis, sub pœna ducatorum Viginti. Idemque de Regularibus mandamus.

Omnes habeant purificatoria munda, cum Cruce in medio; latitudinis, & longitudinis vnus palmi ad minus, & manutergium separatum duorum palmorum, sub pœna trium librarum Cere albæ; Monentes quod non vtantur manutergio ad emungendas nares, sed sudariolo separato.

Aduertant antequam induantur vestibus Sacerdotalibus renouare intentionem consecrandi Corpus, & Sanguinem Iesu Christi.

68 CONSTITVTIONES

Missam Anniuersarij Consecrationis Illustrissimi, & Reuerendissimi Domini Antistitis in Cathedrali, & alijs Parochialibus Ecclesijs singulis annis solemniter celebrari mandamus iuxtà caeremoniale in die septimo mensis Iunij sub pœna librarum vigintiquinque cæræ albæ.

Noua onera Missarum non recipiantur absque nostro Decreto gratis concedendo sub pœna interdicti seruata forma Decretorum Sacræ Congregationis.

DE SACRAMENTO Extremæ Vnctionis.

IST Vnctiones quæ homini viatori conferuntur in Baptismo, Confirmatione, & Sacerdotio, postrema est in hoc Sacramento, quod confertur versanti in extremis; Monemus idè Curatos quod edoceant filianos vtilitatem, & effectum extremæ vnctionis; quod scilicet prædicta vnctio peccati reliquias abstergit, egroti animam alleuiat, & confirmat, magnam in eo Diuinæ Misericordiæ fiduciam excitando, qua infirmus

subleua-

subleuatus, & morbi incommoda leuius fert, & tentationibus Demonis facilius resistit, & sanitatem Corporis interdum, vbi saluti animæ expedit, consequitur.

Diligentes sint Curati in administrando hoc Sacramento iuxta Rituale Romanum, & ægrotis sensu, & vsu rationis vigentibus deferant, & administrent, non autem conferant impuberibus, & vsum rationis non habentibus, neque impænitentibus, & ijs qui cum notorijs peccatores essent, nullum pænitiæ signum emisissent, neque vltimo supplicio condemnatis, nec pluries in eadem infirmitate.

Si aliquis morbi vi, vel aliquo repentino morbo correptus sensum amiserit, si hanc Sacram vñtionem dum vsum rationis habebat petierit, vel ea pietatis signa dederit, ex quibus facile iudicetur, si mentis adhuc esset compos Sacramentum hoc petiturum, inungi poterit.

Curati infirmi statum perquirant, & si periculum Vitæ adesse non cognoscant ab vñtione abstineant.

Oleum conseruetur in vaso argenteo, vel saltem stanneo in loco decenti; & cum ad infirmum deferatur sit Parochus superpelliceo, & stola indutus cum Clerico, & lumine, illudque in ferica bursa deferat, diligenterque, ac

promptè

70 CONSTITVTIONES

promptè exhibeat quodcumque petatur, etiam nocte.

Dum autem verba illa pronunciat, PER ISTAM SANCTAM VNCTIONEM, ET SVAM PISSIMAM MISERICORDIAM PARCAT TIBI DOMINVS QVICQVID PER VISVM DELIQVISTI, eodem tempore, & non ante, vel post, idem ipse, & non alius oculos inungat, quod etiam seruet in alijs corporis partibus. Renum autem vnctio, quia ad huius Sacramenti essentiam necessaria non est in Mulieribus omittendam ducimus, pro vt etiam habetur in Rituali Romano. In viris autem adhiberi poterit, si per infirmitatem licuerit; Bombyx verò qua infirmus tergitur in Sacrario corroborantur.

Si ægrotum Parochus in mortis periculo videat omissis precationibus, quæ in Rituali Romano habentur singulas corporis partes cum præscripta verborum forma perungat, eo autem adhuc superstitite, omissæ precationes adhibeantur; Si autem in Sacra vnctione peragenda ægrotus obierit, desistat, si verò dubitetur an efflauerit animam tunc Parochus ea conditione vtatur SI ES VIVVS PER ISTAM SANCTAM VNCTIONEM. &c.

Curati in commendatione animæ Agonizantium quantum fieri potest semper assistant, & prædicta diligenter obseruent, alias arbitrato nostro punientur.

DE SACRAMENTO Ordinis.

ORDO est Sacramentum nouæ legis, quò homines aliqui in Dei ministerium spirituali potestate tradita, deputantur; & est Sacramentum necessarium totæ Ecclesiæ, quia cætera Sacramenta ab illo ità pendent, vt partim confici, & ministrari sine eo non possint.

Proindè Parochi sæpè sæpius explicent effectus huius Sacramenti, vt intelligant fideles, qui in Ecclesiasticum Ordinem cooptari volunt ad quodnam Officij genus vocentur, quantaque ipsi Ecclesiæ, eiusque ministris facultas tributa sit.

Quò verò ad requisita, & qualitates ordinandorum exequantur, & obseruentur ea om-

nia, quæ à Sacro Concilio Tridentino, & Sacra Cardinalium Congregatione eiusdem Concilij Interpretum decreta, & disposita sunt.

DE SACRAMENTO Matrimonij

MATRIMONII Sacramentum præter gratiæ sanctificantis augmentum confert donum gratiæ ad perficiendum amorem coniugalem, fidelem cohabitationem, indissolubilem unitatem inter Coniuges, & rectam Proles educationem, & est Sacramentum existentium in gratia; Vnde Curati moneant Sponsos, vt antequam contrahant, sua peccata diligenter confiteantur, & ad Sanctissimum Eucharistiæ Sacramentum, piè accedant, nè grauitèr peccent in suscipiendo indigne hoc Sacramento.

Antequam Matrimonium contrahatur tribus diebus continuis festiuis Parochi inter Missarum solemnias publicè denuntient personas, inter quas matrimonium sit contrahendum, & hoc fiat tam in Viri, quam in femina Parochia, &

inquirant quales sint de quorum contractu agitur, an habeant legitimam ætatem, vel aliquo consanguinitatis, vel affinitatis gradu sint inter se coniuncti.

Vbi sponsalia nulla præcesserunt, publicæ honestatis impedimentum à Sacro Concilio Tridentino sublatum est, vbi verò valida fuerunt, primum gradum non excedit; Impedimentum verò affinitatis ex fornicatione contractæ ad primum, & secundum gradum tantum est restrictum.

Opposito quocumque impedimento Curati non iungant Sponsos, sub pœna excommunicationis ipso facto, & alijs arbitrio nostro; Reuelationes autem in scriptis recipiant cum subscriptione reuelantis, vel in præsentia duorum testium si reuelans sit illiteratus.

Curati omittentes denuntiationes, etiam vnam ex eis sine nostra licentia, pœna suspensionis ab eorum cura seruata forma Concilij Tridentini, & alijs arbitrio nostro plectantur.

Matrimonium non celebretur eadem die, qua fit vltima denuntiatio, sed post sequentem diem; nec Matrimonium celebretur de nocte nobis inconsultis.

Quoties ob grauem causam antè denuntiationes Matrimonium celebrandum iudicabimus,

74 CONSTITVTIONES

moneantur Coniuges vt omninò ab vfu matrimonij, carnalique copula, abſtineant, donec omnes habitæ ſint denuntiationes, nè ſi aliquod impedimentum poſteà ſubſit, matrimonium cum graui ſcandalo dirimere oporteat.

Deferentes falſum impedimentum præter alias pœnas à Iure ſtatutas contrà falſarios anathematizamus ipſo factò.

Si infrà duorum menſium ſpatium à die vltimæ denuntiationis factæ matrimonium ex aliqua cauſa non fuerit celebratùm, tunc denuò triuæ denuntiationes habeantur, niſi aliter nobis videbitur.

Sponſalia contracta partes abſque decreto noſtro nullo modo diſſoluant, nec etiam cum altera contrahendo, ſub pœna excommunicationis, & alijs arbitrio; Quam pœnam incurrant etiam, qui poſt matrimonium ratum, & conſumatum ſe inuicem ſeparare præſumpſerint.

Domì non contrahatur Matrimonium ſine noſtra in ſcriptis licentia, ſub pœna ducatorum Viginti contrà Curatos iungentes extrà Parochialem Eccleſiam.

Compellentes vi, aut dolo Parochum ad aſſiſtendum Matrimonio, Conſilium, aut auxilium, quomodocumque præſtantes pœna excommunicationis, ipſo factò puniantur.

Contrahen-

Contrahentes Matrimonia clandestina , vel sine Parocho , vel sine Testibus , & assistentes in eis eandem supradictam excommunicationem incurrere declaramus ; & Curati ipsos postea non iungant sine nostro decreto , sub pœna suspensionis , & alijs arbitrio nostro.

Vagantium , seu exterorum , etiam si eorum alter incola sit , & alter exterus matrimonia non celebrentur nisi de licentia nostra speciali in scriptis , capta prius informatione iuxta litteras Sacræ Congregationis Vniuersalis , & Generalis Inquisitionis , sub pœna excommunicationis , & ducatorum Centum , alijsque arbitrio , &c.

Ex diuturna Coniugum absentia , aut ex vulgi rumore , vel alijs mortis coniecturis vir , vel Vxor nullo modo aliud Matrimonium contrahat , nisi mortis habita certa notitia , de qua in Curia nostra iuxta supradictum ordinem Sacræ Congregationis legitimè doceat , & contrahendi licentiam obtineat , sub excommunicationis pœna.

Quia in eo sepe delinquitur , ut antequam Matrimonium coram Parocho , & Testibus ritè celebratum sit Sponsi carnali copula se inuicem commisceant , ex quo grauia solent oriri scandala , sic se commiscentium

absolutionem nobis reseruamus.

Sponsa non inducatur ad Ecclesiam cum instrumentis Musicis, & maximè non fiat sonitus instrumentorum in Ecclesijs sub pœna ducatorum decem, & in subsidium excommunicationis, & Curati permittentes eadem poena puniantur.

De Quadragesima; & Obseruatione Ieiunij.

NEMO ignorat, quòd omnes toto quadragesimali tempore à carnibus, ouibus, & lacticijs abstineri iubemur, & etiam vnica tantum commestione contentos esse, cum exiguo ientaculo in vespere, dominicis diebus tantum exceptis, sub pœna peccati mortalis; ad quod etiam obligamur in quatuor anni temporibus, præceptisque Sanctorum vigilijs; Vndè Parochi moneant Populum, vt caueat à cibis vetitis, & obseruet ieiunia, & cum ieiunio à peccatis abstineat, & præcipuè Sanctissimum Eucharistiæ Sacramentum sæpè sumat, totumque id sacrum tempus in ieiunijs, orationibus, & elemosinis consumat,

quo

quo peccatorum suorum misericordiam à Deo facilius consequatur.

Ab ieiunij lege ij tantum excipiuntur, qui vel vrgenti necessitate, vel imbecilli ætate, morboù aliquo, aliaù iusta causa impediti sunt; Quibus tamen casibus nulli liceat vesci carnibus nisi præuia Medici fide, & licentia nostra, vel nostri Generalis Vicarij, vel præuia fide Parochi vbi non adsit Medicus, & vgeat præcisa necessitas.

Caueant Medici, siuè Parochi vetitos permittère cibos, nisi ex necessitate, & in scriptis; in quo eorum conscientiam oneramus; declarantes tandiù durare licentiam, quamdiù infirmitas vigeat.

Prohibemus sub pœna librarum viginti cæræ albæ, alijsque arbitrio nostro infligendis, ne dicto quadragesimali tempore, alijsque Ieiunij temporibus carnes, aliaque vetita publicè vendantur, vel emanantur, nisi præuia nostra, vel nostri Generalis Vicarij in scriptis licentia, & cum ostiolo tantum aperto, neque vendatur omne carnis genus, nisi quod vsui ægrotorum est necessarium.

Ordinamus Cauponibus, & Tabernarijs ne supradicto tempore cibos vetitos Viatoribus, alijsque Personis apponant, neque coctos aliun-

78 CONSTITVTIONES

dē deferre patiantur sub pœna prædicta.

Comunitates excipiant Concionatores à nobis Deputatos, & illis consuetam persoluant elemosinam debitis temporibus sub pœna interdicti.

Statuimus quod Concionis tempore omnes officinæ claudantur, vt frequentior sit Populus in Ecclesijs.

Canonici, Sacerdotes, & Clerici omnes concionibus intersint quadragesimalibus frequentissimè, cum in eos tanquam speculum Populus oculos conijciat, ex iisque sumit, quod imitetur.

De Bonis Ecclesiæ non alienandis, nec vsurpandis.

BONA Ecclesiastica sunt Patrimonium Iesu Christi, & Pauperum, quorum procuracionem personæ Ecclesiasticæ gerunt; Idcirco prohibemus omninò illorum alienationem, donationem, commutationem, aut in emphyteusim concessionem, & locationem vltra triennium, sub pœnis à Sa-

cris canonibus, & à Sacro Concilio Tridentino inflictis; mandantes Curatis, vt in eorum Ecclesijs prædictas Censuras, & præcipuè decretum Sacri Concilij Tridentini sess. 22. cap. 11. contra bonorum Ecclesiasticorum vsurpatores singulis annis die octauo Paschatis vulgari sermone Populo patefaciant.

Excommunicamus omnes, & quoscumque occupatores, & detinentes Ecclesiæ nostræ Anglonensis, & nostræ Episcopalis mensæ, & aliarum Ecclesiarum inuentaria, acta, Instrumenta, publicas, & priuatas Scripturas, ac Processus ad dictam Ecclesiam Anglonensem, nostram mensam, & Curiam, vel ad quascumque Ecclesias pertinentes; Et ità pariter excommunicamus eos qui amouerint terminos, seu confines bonorum reddititiorum feudi nostræ Ecclesiæ Anglonensis; Prædictamque penam excommunicationis infligimus, contra scientes huiusmodi occupatores, & amotores, & illos non reuelantes, quorum absolutionem nobis reseruamus.

Rectores, Capitula, Confraternitates, Beneficiati, Montes, & loci Pij infra duos menses à die publicationis præsentis Synodi inquirent fines, & quantitatem omnium, & singulorum bonorum Ecclesiæ aliorumque piorum locorum, & conficiant Inuentarium in quo bo-

80 CONSTITVTIONES

na , cum confinibus describantur , & exemplum ad nos transmittant sub pœna ducatorum viginti. *Quoniam in generali nostra visitatione comperimus aliquos sub prætextu quod beneficia sint de eorum Iure patronatus, & quod de dictis beneficijs post vacationem non sit facta prouisio, detinere eiusdem beneficij bona, & ipsosmet inseruire facere oneri Missarum celebrandarum.*

Quoniam in generali nostra visitatione comperimus aliquos sub prætextu quod beneficia sint de eorum Iure patronatus, & quod de dictis beneficijs post vacationem non sit facta prouisio, detinere eiusdem beneficij bona, & ipsosmet inseruire facere oneri Missarum celebrandarum.

Quod cum absurdum , & contrà dispositionem Sacrorum Canonum , & Sacri Concilij Tridentini nobis sit visum , mandamus proinde sub pœna excommunicationis latæ Sententiæ omnibus , & singulis dicta bona prædicto prætextu detinentibus , vt intra mensem post publicationem præsentis Synodi relaxare , & dimittere debeant in manibus , & potestate Capituli , vel Parochorum.

Quæ Capitula , & Curati teneantur diligentissimè perquirere dictos Laicos , vt supraddicta bona restituant infra tempus , vt suprâ statutum , & nos certiores reddere de restitutione , & vacatione prædictorum Beneficiorum ; Quod si negligant pœnam ducatorum Quinquaginta locis pijs arbitrio , &c. incurrant.

Iniungimus Notarijs, sub pœna excommunicationis, vt infrà decem Dies denuntient nobis, siuè Vicarijs Foraneis locorum legata pia, Ecclesiarum Institutiones, & alias pias dispositiones de quibus ipsi fuerint rogati, ad obuiandum damnis, quæ Ecclesijs, alijsque locis pijs ex ignorantia causari possint, & Vicarij Foranei infrà octo dies teneantur nos de illis certiorare.

Possessores Bonorum, quæ Ecclesijs pro annuis redditibus sunt obnoxia, si ea alienant vt franca, vel si non exprimunt certum redditum, aut eum minuunt, ipso facto sint excommunicati; cui pœnæ subiaceant Consulentes, & Notarij huiusmodi Instrumenta scienter conficientes. Quod etiam decretum Parochi in octaua Paschatis lingua vulgari publicent.

Excommunicamus omnes, & quoscumque qui furantur, & vsurpant Calices, Crucès, aliasque res cultui diuino deputatas.

Curati legata quæ pro tempore fient Ecclesijs in libro bonorum eiusdem, quam citius describant, vna cum Notario de scriptura rogato.

Mandamus etiam in Cathedrali, & Parochialibus Ecclesijs infra duos menses post publicationem præsentis Synodi fieri Archiuium

82 CONSTITVTIONES

pro asseruandis scripturis , & Inuentarium bonorum Ecclesiasticorum , sub pena ducatorum Vigintiquinque!

De Confraternitatibus , Hospitalibus , Montibus Charitatis , & alijs pijs locis , & eorum administratoribus.

BONA locorum piorum , quæ ad subleuandam Pauperum inopiam ex pia fidelium dispositione relicta sunt in visitatione comperimus , vel maximè negligi , vel in proprium vsum aliquos Deum non timentes conuertisse ; Vnde mandamus omnibus , & singulis Administratoribus , seu officialibus , quod nullo modo , sub pena excommunicationis administrent , antequam iuramentum defideliter administrando coram nobis , vel nostris Vicarijs Foraneis præstiterint.

Decernimus quod complecto Officio vete-

res Officiales , seu administratores statim à continuatione administrationis desistant , nisi aliter nobis visum fuerit . Anticipatè in die consuetò eligantur noui Officiales ; & casu quo exercere aliquis renuerit , statim nobis referatur , vt prouidere possimus.

Statuimus quod si controuersia oriatur in electione administratorum , vel Vota sint , ita confusa , vt electio impediatur , ad nos pro dicta Controuersia decidenda recurrant ; prohibentes , sub pœna excommunicationis ipso facto incurrendæ , quòd pro causis prædictis Iudicem Sæcularem non adeant.

211. Obligamus omnes administratores piorum Locorum , vt rationem reddant , eorum administrationis singulis annis nobis , vel illis , qui à nobis fuerint deputati iuxta dispositionem Sacri Concilij Tridentini.

Mandamus præsentibus administratoribus , sub pœna perpetuæ priuationis administrationis vt cum interuentu , & assistentia Parochi , vel Vicarij Foranei recognoscant , & adnotent omnia bona mobilia , & stabilia eorumque quantitates , & fines , & in libro , seu in Inuentario ad hunc effectum faciendo describant.

Declarantes omnia quæ decreuimus de bo-

84 CONSTITVTIONES

nis Ecclesiæ non alienandis eadem obseruari debere in bonis Hospitalium, Confraternitatum, & aliorum piorum locorum.

Summa frumenti, vel alterius rei deputatæ ad subleuandam pauperum inopiam, non datur mutuo pauperibus, nisi accepto æquiualentis pignore, vel præstita idonea cautione, & ad certum tempus; contrafacientes verò de proprio teneri mandamus, & arbitrio nostro punientur.

Implicatio capitalium Confraternitatum, & aliorum piorum locorum non fiat nisi per vota Secreta, & cum nostra, vel nostrorum Vicariorum Foraneorum in scriptis licentia, gratis concedenda. Nec bona superdictorum locorum piorum emant, vel conducant ipsimet administratores, sed conductio, & emptio fiant sub hasta, cum accentione candelæ, exceptis venditionibus quæ fient in Nundinis, sub pænâ excommunicationis, & alijs arbitrio, &c.

Debiteres locorum piorum, vel cum eis litigantes non eligantur Procuratores, & administratores illorum, sub pænâ nullitatis, & alijs arbitrio nostro.

De Immunitate, & Libertate Ecclesiastica.

Immunitas, & libertas Ecclesiastica est de Iure Diuino, & pluribus priuilegijs à Deo decreta; Idcirco monemus omnes vt Iura Ecclesiarum, & Ecclesiasticarum personarum neque directè, neque indirectè audeant violare sub Censuris Summo Pontifici reseruatis in Bulla Coenæ Domini contentis, quam Bullam vulgari sermone quotannis in Feria Quinta maioris hebdomadæ à Curatis legi præcipimus.

Conantes extrahere Refugiatum à locis Sacris, etiam si non extraxerint excommunicamus.

Bannitos in Ecclesijs occidentes, compediantes Refugiatos, mandantes Reos occidi in Ecclesijs, extrahentes sine licentia nostra Reum etiam non gaudentem Immunitate, armis in Ecclesia existentem expoliantes, anathematizamus.

Palatium nostrum, seu nostræ solitæ habitationis, quamuis distet ab Ecclesia ultra XXXX. passus

est immune ; Quò circa excommunicamus extrahentes , vel extrahere conantes in illo confugiatos.

Offendentes Curix nostræ Officiales , Baulos , Cursores , Cancellarios , Promotores fiscales , & alios de familia nostra anathematizamus ; & si offendentes fuerint Clerici feriantur pœna ducatorum Centum , & Carceris arbitrio nostro .

Item excommunicamus omnes , & quascunque Personas quæ præsumpserint imponere onera , seu Collectas Colonis Prædia , & Agros Ecclesiæ Anglonensis , & aliarum Ecclesiarum colentibus , & ab eisdem Colonis dicta onera , & collectas exigere , eosque grauare ratione fructuum , quos ex prædijs , seu agris Ecclesiæ percipiunt in detrimentum , & præiudiciū eiusdem Ecclesiæ , cum ex dicta collectarum impositione , & exactione Coloni duplicia onera sustinerent ; tenerentur enim soluere pensionem , seu portionem Ecclesiæ , & aliam portionem ratione dictarum collectarum , & proindè à colendis dictis bonis retraherentur .

Excommunicamus etiam omnes , & quascunque Personas Ecclesiasticas , seu Sæculares , quæ pro causis , tam Civilibus , quam Criminalibus ad Ecclesiam Anglonensem , &

consequentur ad nos , & nostrum forum Episcopale ratione territorij Anglonensis , vt supra pertinentibus , ad iudices , & Potestates Sæculares recurrere , & quærelas exponere , aut alias quouis modo gerere , præsumperint .

Excommunicamus omnes , & quoscumque Iudices , Officiales , & Potestates Sæculares , quæ , seu qui , causas , tam Ciuiles , quàm Criminales , & vassallos territorij Anglonensis ad eandem Ecclesiam Anglonensem , & consequenter ad nos , & nostrum forum Episcopale spectantes iuxta concessionem Federici Secundi , & Regum Successorum ad forum Sæculare trahere , occupare , vsurpare , & in dictis causis procedere præsumperint .

In Statutis generalibus Laicorum nunquam comprehendi Ecclesiasticas Personas , & bona Ecclesiarum iuxta Sacros Canones , præsenticonstitutione sancimus , abrogantes , & cancellantes omnia statuta , & consuetudines contra iura , & bona Ecclesiarum , & Ecclesiasticorum ; Etiam in generali prohibitione , quod Ciues Tursienses non accedant ad extera molendina non comprehendi molendinum nostræ Ecclesiæ Anglonensis ; pro vt hodierni Electi , & Deputati Ciuitatis de nostro mandato deposuerunt & in Curia nostra testati sunt , & contrarium

88 CONSTITUTIONES

Sentientes, aut prohibentes ipso facto excommunicamus, & anathematizamus.

Si per Clericorum animalia damna inferantur ad damni tantum refectionem, non autem ad pœnam, statutis Laicorum inflictam, teneri præcipimus; Detinentes verò animalia, vel cogentes illorum Custodes, seù Colonos ad pœnæ solutionem excommunicamus, nisi Custodes, & Coloni, de industria, seù dolosè damna dederint.

Excommunicamus etiam omnes, & quoscunque Iudices, & Personas Seculares cuiusvis conditionis, qui, seù quæ indirectè præsumant carcerare, contrà bona exequi, pecunias, Gabellas, Datia, & Impositiones exigere, & alijs modis vexare Parentes, & Consanguineos, ac affines Præsbyterorum, Clericorum, & aliarum Personarum Ecclesiasticarum pro causis quæ habentur, & prætenduntur cum dictis Præsbyteris, Clericis, & Personis Ecclesiasticis.

Ministri Sæculares capientes Clericos in delictis repertos recto tramite ad nostros Carceres, vel ad Vicarios Foraneos deferant, sub pœna excommunicationis.

Declarantes ob nostras huiusmodi excommunicationes non releuari transgressores ab alijs censuris, & pœnis à Iure, vel à summorum

Pontificum constitutionibus latis, sed his etiam, & nostrarum excommunicationum vinculis alligari.

De Quarta decedentium ab intestato, & Funeralium.

QUAM in nostra Diœcesi antiquissima vigeat Consuetudo disponendi ad pias causas de moderata quantitate decedentium ab intestato, quæ cum sit rationabilis, vt eorum animæ aliquod habeant refrigerium, idcirco pro obseruantia dictæ Consuetudinis iniungimus Parochis vt tales sic morientes nobis denuntient.

Inter decedentes ab intestato declaramus comprehendendi etiam inhabiles ad testandum, pro vt filios familias, mutos, surdos, amentes, Impuberes, & his similes.

Capitula, seu Procuratores Capitulorum reddentium, integram persoluant Quartam funeralium Episcopali mensæ debitam,

98 CONSTITUTIONES

Librorum conficiant, & quouis modo, vel quouis quæsito colore nihil subtrahant, vel diminuunt, sub pœna suspensionis ipso facto; Cui pœnæ subiaceant etiam Consulentes, & cooperantes.

De Decimis.

DECIMÆ tum Iure naturali, tum Iure Diuino, & Canonico Deo, eiusque Ecclesiæ debentur; ideò non sunt ferendi, qui varijs artibus decimas Ecclesiæ obuinentes subtrahere moliantur, aut qui ab alijs soluendas temerè occupant, & in rem suam vertunt.

Adhærentes itaque dispositioni Sacri Concilij Tridentini præcipimus omnibus cuiuscumque gradus, & conditionis sint, ad quos decimarum solutio spectat, vt eas Cathedrali, Parochiali, aut quibuscumque alijs Ecclesijs, aut personis, quibus legitimè debentur integrè persoluant.

Quamobrem Parochi, & Ecclesiarum Curati non denegent pro exigendis decimis Sacramentum Eucharistiæ, sub pœna Ducatorum

Triginta; nec filianos sepultura priuent ob decimas non solutas, sub eadem pœna, sed tempore messium, & fructuum recolligendorum aduentante inter Missarum solemnia tribus diebus festiuis ad decimarum solutionem Populum hortentur; deindè contrà soluere recusantes præuia nostra, vel Vicarij nostri Generalis licentia, & declaratione, & autoritate excommunicationis Sententiam proferant.

De Quæstoribus.



QUÆSTORES mendacia de Reliquijs, & Indulgentijs confingentes, ad extorquendum elemosinas, & pro alijs quæritantes sine necessitate, vel sibi quæstum referentes, prorsus aboleuit Sacrum Concilium Tridentinum, & personæ, quæ elemosinas colligere debent, non sunt admittendæ, nisi honestæ vitæ, & spectatæ Religionis, & qui non publicent indulgentias, nec concionentur, nec circumferant sua priuilegia, nec campanellam, aut similia instrumenta pulsent, sed simpliciter, & modeste recipiant tantum, quod ipsis liberaliter offertur.

92 CONSTITVTIONES

Regulares mendicantes si extra loca vbi monasteria existunt quæritare voluerint, licentiam sui Superioris nobis exhibeant, sub pœna Carceris, alijsque nostro arbitrio.

Nullus quæsturare præsumat nisi sit noster Diocesanus probatæ vitæ, & nobis pateat de necessitate Ecclesiarum, Hospitalis, aut alij loci pij, & cum licentia nostra; Qui contrafecerit sauerè arbitrio nostro punietur.

De Constitutionibus Synodalibus, & pœnis.

HAS Synodales Constitutiones ad Ecclesiasticam disciplinam restituendam, & conseruandam, & prauos mores extirpandos confecimus: admonemus omnes vt eas virtutis amore, non formidine pœnæ seruent.

Et vt omnibus prius innotescant robur habere volumus transactis duobus Mensibus ab earum impressione, vel publicatione, & om-

nes ascendant , ac si singulis intimatæ fuissent. Præcipientes ut Dignitates , Canonici , & alij de nostro Capitulo , ac Parochi , Rectores , Præpositi , Archipræsbyteri , & beneficia obtinentes postquam impressæ fuerint (quod quam primum curabimus) infra duos menses volumen apud se habere teneantur , sub pænis arbitrio nostro infligendis.

In delictis in quibus certas pænas constituimus , alijs ex Canonibus , & Tridentini Concilij statutis delinquentes coerceri posse volumus , & mandamus ; ubi nulla est adiecta pæna , eam arbitrato nostro reservamus.

Decreta , quibus excommunicationis pæna adiecta non est , volumus mortalis peccati reatum non inducere , nisi quatenus id communis legis dispositio , vel contemptus efficiat.

Omnia , & singula in Constitutionibus prædictis contenta Sanctæ Sedi Apostolicæ , & Beatissimo Romano Pontifici vniuersalis Ecclesiæ Pastori emendatura , atque correctura humiliter , & deuotè supponimus , & subiicimus ; ità etiam firmitatem obtinere , & in suo robore vsque adedò per-

94 CONSTITVTIONES

manere volumus, donec per dictam Sanctam
Sedem Apostolicam, & per dictum Beatissimum
Pontificem fuerint reprobata.

Ambiguitates omnes, & dubia quæ oriri
poterunt, nobis declaranda referuamus; Nulli
ergo cuiuscumque Dignitatis, & authoritatis
sit, præsentis constitutiones, & Decreta ali-
ceat declarare, & interpretare, sub pena ex-
communicationis latæ sententiæ.



FORMVLA

PROFESSIONIS FIDEI.

EGO N. firma fide credo, & profiteor omnia, & singula quæ continentur in Symbolo fidei, quo Sancta Romana Ecclesia vtitur, videlicet. Credo in vnum Deum Patrem Omnipotentem, Factorem Cæli, & terræ visibilium omnium, & inuisibilium. Et in vnum Dominum Iesum Christum Filium Dei Vnigenitum. Et ex Patre natum ante omnia sæcula. Deum de Deo, lumen de lumine, Deum verum de Deo vero. Genitum non factum, consubstantialem Patri per quem omnia facta sunt. Qui propter nos Homines, & propter nostram salutem descendit de Cælis. Et incarnatus est de Spiritu Sancto ex Maria Virgine, & homo factus est. Crucifixus etiam pro nobis sub Pontio Pilato, passus, & sepultus est. Et resurrexit tertia die secundum Scripturas. Et ascendit in Cælum sedet ad dexteram Patris. Et iterum venturus est cum gloria iudicare viuos, & mortuos, cuius

96 CONSTITVTIONES

Regni non erit finis . Et in Spiritum Sanctum Dominum, & viuificantem, qui ex Patre, filioque procedit . Qui cum Patre, & filio simul adoratur, & conglorificatur, qui loquutus est per Prophetas. Et vnā Sanctā Catholicā, & Apostolicā Ecclesiā . Confiteor vnum Baptisma in remissionem peccatorum . Et expecto resurrectionem mortuorum . Et vitam venturi sæculi . Amen .

Apostolicas, & Ecclesiasticas traditiones, reliquasque eiusdem Ecclesiæ obseruationes, & constitutiones firmissimè admitto, & amplector. Item Sacram Scripturam iuxta eum Sensem, quem tenet, & tenuit Sancta Mater Ecclesia, cuius est iudicare de vero sensu, & interpretatione Sacrarum Scripturarum, admitto; nec eam vnquam, nisi iuxta vnanimem consensum Patrum accipiam, & interpretabor . Profiteor quoque septem esse verè, & propriè Sacramenta nouæ legis, à Iesu Christo Domino nostro instituta, atque ad salutem humani generis, licet non omnia singulis necessaria, scilicet, Baptismum, Confirmationem, Eucharistiam, Pœnitentiam, Extremam vñtionem, Ordinem, & Matrimonium, illaque gratiam conferre, & ex his Baptismum, Confirmationem, & Ordinem sine Sacrilegio reiterari non posse.

Receptos

Receptos quoque , & approbatos Ecclesiæ Catholicæ ritus in supradictorum omnium Sacramentorum solemnī administratione recipio, & admitto. Omnia, & singula, quæ de peccato originali, & de iustificatione in Sacrosancta Tridentina Synodo definita, & declarata fuerunt amplector, & recipio. Profiteor pariter in in Missa offerri Deo verum, proprium, & propitiatorium Sacrificium pro viuis, & defunctis: atque in Sanctissimo Eucharistiæ Sacramento esse verè, realiter, & substantialiter Corpus, & Sanguinem vna cum anima, & Diuinitate Domini Nostri Iesu Christi; fierique conuersionem totius substantiæ panis in corpus, & totius substantiæ vini in Sanguinem: quam conuersionem Catholica Ecclesia transubstantiationem appellat. Fateor etiam sub altera tantum Specie totum, atque integrum Christum, verumque Sacramentum sumi. Constanter teneo Purgatorium esse; animasque ibi detentas fidelium suffragijs iuari. Similiter, & Sanctos vna cum Christo regnantes, venerandos, atque inuocandos esse, eosque orationes Deo pro nobis offerre: atque eorum reliquias esse venerandas. Firmiter assero Imagines Christi, ac Deiparæ semper Virginis, nec non aliorum Sanctorum habendas, & retinendas esse, atque eis debitum honorem,


98 CONSTITUTIONES


ac venerationem impartiendam . Indulgentiarum etiam potestatem à Christo in Ecclesia relictam fuisse , illarumque vsum Christiano Populo maximè salutarem esse affirmo . Sanctam Catholicam , & Apostolicam Romanam Ecclesiam omnium Ecclesiarum matrem , & magistram agnosco . Romano Pontifici Beati Petri Apostolorum Principis Successori , ac Iesu Christi Vicario veram obedientiam Spondeo , ac iuro . Cætera item omnia à Sacris Canonibus , & Æcumenicis Concilijs , ac præcipuè à Sacrosancta Tridentina Synodo tradita , definita , & declarata indubitanter recipio , atque profiteor : simulque contraria omnia , atque hæreses quascumque ab Ecclesia damnatas , & reiectas , & anathematizatas ego pariter damno , reijcio , & anathematizo . Hanc veram Catholicam fidem , extrà quam nemo saluus esse potest , quam in præsentì spontè profiteor , & veraciter teneo , eandem integram , & immaculatam vsque ad extremum Vitæ Spiritum constantissimè , Deo adiuuante , retinere , & confiteri , atque à meis Subditis , seu illis , quorum cura ad me in munere meo spectabit , teneri , doceri , & prædicari quantum in me erit curaturum . Ego idem N. spondeo , voueo , ac iuro : Sic me Deus adiuuet , & hæc Sancta Dei Evangelia .

DECRE-

*nihil deficit. vide in indice in
vinculo*

111 159. 7953







vn

1

1

Unlabeled